

棗

林

雜

俎

叢林雜俎聖集

科牘

貢額

明經

癸未禮闈三改

庶吉士四選

爭狀元遺戍

庶吉士再選

南宮傳代蒙宥

習譯監生

庶吉士三選及貢士外官庚辰齒錄

翰林院秀才
焚闈

庶吉士一年散館

寬貢士三科

鼎新甲館錄

減場

孚解元占席

齒錄聘二氏

試規

鄉錄論表各二

會試錄序

三甲進士刊策

附學生

羅萬化

辨李廷機失中三元

省試專遣

楚試不用詞林

程夏相目

割卷倖售

韓敬

劉暹

鄉榜填悞

巡撫監試

鬻元

廷試策失塗注

會試特點同官
首輔鄉人狀元

二甲御書

廢卷騰聲

程策之誤

丁丑鼎甲

鼎甲並相

劉珠

馮士驛

萬年歷

南闡謠

馮元驥

主考宴

進士歸娶

解元未娶

宗室進士

兄弟同進士榜異姓

進士同姓名

武生進士

進士異任

重舉鄉榜

原始

臚傳

試錄稱臣

六預鄉房

三氏學

學宮祀顏子

廣文變例

補榜

進士

先正流聞

宋濂攻苦

唐伯逸

賈魯斥佛

周魯章薦益

徐樞

李秉夢迎駕詩

楊瑄

王存忠

楊循吉定論

周廷芳

邵寶絕巫

劉大夏格言

周壽誼人瑞

鄒傑復姓

達宏言事

蔡新童婢

于謙

尹恂

王恕

楊守陳故宅

包德懷嫁故人女

陳恪冰清玉潔

潘埙

李東陽佑歌

陳察御史騎驢

王勸赫鬼

杜了翁言行

桑桂移風社

景陽孝感

鄭慶祐蝗

徐階論士

高拱知人

徐階李春芳陸樹聲

袁洪愈貧宦

沈思孝在戍

馮少墟規鄧南皋

魏庠廳旁塚

朱良有不受封

熊鳳文不跪選司

毛中丞里居

胡松抄書

王勸雲母

唐樞

張居正急才

姚弘謨迎母

余有丁家祭

戚繼光

申時行李庭機薄殯

李庭機鳩工

張臣感慟

唐文徵

顧憲成寡欲

鄭繼之

詹景鳳

葉向高講學

竇子偁

楊瀚

葛寅亮督學

朱國楨秀才氣

董其昌

李騰芳

王汝訓散貲

陳淳孝紱

衛一鳳辟狹

彭應參

許弘綱責子

吳道南

徐光啓

馮氏義僕

丁賓老不忘孔林

沈演四友二老

錢士升

陳組綬結客

陸夢龍

張焯芳

吳麟徵家訓

柯起鳳不負丞

王朝堂死孝

藝賓

論幼儒勑

宣尼遺筆

顏子

海鹽秦駐山始皇碑

偽書

嵇康真贊

王大令洛神賦

雲麾將軍碑

百家姓

蘇子瞻制義

大學本義稿

朱文公集

心史鉄函

宋濂

道餘錄

御史試荳芽菜賦

周敘修宋史

蒲陽縣史

張元楨

詩韻辨

張東海自題像司空圖

楊字陳

李夢陽論文

李夢陽何景明

江河伏流

常倫逸詩

王璜雲中歌

胡贊

徐霖

前李攀龍

兩京賦

兩皇明通紀

張邦奇

修誌

王道書壁雜帖

王慎中

國朝人物編

夏惟訥

唐觀

李于麟王元美手抄

李于麟閱史記

余翔

王元美讀書後毀論
穆文熙焚書

謝陞李漢書

春雪詩

無名氏詩

明雋

宋登春

北雍刊史

陳于陛修史

爭詩

喻應益

王辟登

馮元成論文

周玄晦

陳植之

中秘書

收書法

纂書

瓦書

文瞽

鍾惺譚元春

洪範明義

蔣德璽日記

永和宮詞

失婢詩

贊哀江南賦

爭妾詩

思陵長公主挽詩

廣孝錄

補鑿骨行

鹽官談邃孺木著

科牘

貢額

洪武三年庚戌五月始詔行科舉直隸貢百人河南山東山西陝西北平福建江西浙江湖廣各貢四十人廣東廣西各二十五人若人才多寡不拘額時直隸就試者百三十二人拔七十二人見考官宋濂納閩紀錄序鄉試錄曰小錄河南通志是年鄉榜孫卓劉中趙斗南黃敬張堂王誼辛亥鄉榜張唯王輝李端張翀

庚戌辛亥壬子癸丑連歲開科有未及會試遂錄用者

金華府志

洪武四年吳伯宗榜六年金鑄榜十八年丁顯榜紹興府志按六年不開榜存疑可也

洪武五年鄉舉六年是科狀元莫考一云未嘗殿試徑照會試名次選授方徵王寅方毅俱進士

興化府志

洪武十七年甲子三月詔貢士不拘額從實充貢

十八年乙丑科會元黃子澄狀元丁顯

衡州府志鄧偉奇才子安仁人乙丑會試第一上親製廷試策問以丁顯第一偉奇次之俱授翰林修撰偉奇天姿秀異博洽頴敏善屬文尤長於詩第二甲為編修吳文為檢討三甲楊靖為庶吉士蹇瑢為中書舍人或以練安黃子澄為是科恐未深攷云

洪熙元年乙巳定南京八十人北京江西五十人浙江福建四十五人湖廣廣東四十人河南四川三十五人陝西山東三十人廣西二十人雲南交趾十人貴州附湖廣永樂九年辛卯雲南始開科時貴州未附宣德四年乙酉雲南貴州始合試增雲南五人共十一人貴州普安劉

瑄

宣德七年壬子雲貴共十五人雲南十人貴州五人

正統二年丁巳令貢士不拘額

正統五年庚申定順天仍八十人應天百人浙江福建六十人江西六十五人河南廣東五十人湖廣五十五人山東四十人廣西三十人雲南增三人貴州增二人共二十人

正統六年辛酉增順天二十人

正統十二年丁卯增雲南二人貴州三人共二十五人

景泰元年庚午詔貢士不拘額四年亦然

景泰七年丙子兩京各增三十五人浙江江西福建河南湖廣山東各增三十人廣東四川陝西山西廣西各增二十五人定雲貴三十人雲南二十人貴州十人

成化四年戊子增雲南四人貴州六人共四十人

成化十年甲午增雲南五人共四十五人

弘治七年增雲南二人貴州三人明年乙卯解額共五十人

正德五年庚午增雲南三人貴州二人共五十五人

嘉靖十四年分定雲南舉四十人貴州二十五人烏撒衛浦仲良第一

嘉靖十九年庚子增湖廣五人

嘉靖二十五年丙午增貴州五人

隆慶五年辛未增兩京各十五人

萬曆元年癸酉增雲南五人

萬曆二十二年甲午暫增順天二十人時選貢生增貴州共三十五人

萬曆四十年壬子增順天十人應天八人

萬曆四十三年乙卯增兩京五人浙江七人江西湖廣福建河南山東

山西陝西廣西四川雲南貴州各五人

折

天啓元年辛酉新增順天二十人應天十人餘省各二人是科山西宗生一人江西河南陝西宗生一人山東四氏學二人遼生一人不在正

額

崇禎

明經

洪武九年貢諸生二十五歲以上

洪武十二年貢二十歲以上

洪武十四年貢諸生容貌端方者

洪武十七年貢歲貢年深成效者禮部試中式入太學需用

洪武二十一年限府歲貢縣三年一考貢

洪武二十五年府歲貢二人縣歲貢一人

永樂十二年貢楷書諸生

宣德八年貢諸生四十五歲以上

正統十二年貢諸生四十歲以上

天順七年貢四十五歲諸生者

嘉靖十年令天下歲貢五人選其一歲貢通學考選至十五年止

嘉靖十一年令郡縣各開貢二年仍考選

天啓元年鄉試乙榜廩生准貢

崇禎元年登極恩貢

乙亥通考各學廩生拔貢一人

己卯鄉試乙榜俱充貢不論增附

甲申各學恩貢一人

弘光元年命鄉試恩貢副榜各輸餉百五十金准貢

癸未禮闈三改

永樂癸未以靖難渡江會試改八月天順癸未貢院災改八月明年廷

試崇禎癸未以邊患改八月會試九月廷試

廣吉士四選

永樂二年三月乙酉選庶吉士楊相宋子寰王訓王直秦政學徐安吾
紳彭汝器周忱劉子欽周文李寘張徹章朴歐陽俊盧翰梁任熊直王

道曾景暉陸孟良蕭省身劉孟鐸柴廣敬張宗連田忠曾與賢洪鍾洪順余學立愛陳滿蕭清劉韶林鳳張憲殷厚嚴光祖余順段民李貞江錢章徵倪維哲許瓈陳敬宗王仲壽李廸袁添祿李時勉楊粲並習文湯流王英孫奉余鼎李永年袁通周遠鍾旭彭禮戴立演並習書戶部辦事進士當塗李衡以年少自請命改庶吉士同江寘楊寘習書

四月甲申進士沈升孫子良李昌祺羅汝敬徐敬廉寬褚讓獨孤樂善陳士啓陳綱董鏞劉子敬陳伯恭陳資善趙曾趙濟劉潤尤儀劉澄黃揚俱改庶吉士修書

五月辛丑朔諸司辦事進士能書者曾慎魏驥吳惇添霄趙理趙琰韓庸史彬徐觀英靜曾彥昌陳旭田靖羅處富邢旭曾恕王宅葉貞陳興俞禮趙濬恭潘中徐聆胡秉夔周志義俞益曹睦楊義鴻譚原性為庶吉士

六月命修書庶吉士獨孤樂善陳士啓肅寃李昌祺羅汝嵌沈升孫子
良褚讓吳惇魏驥陳旭韓庸葉貞趙理徐聆留院辦事餘三十四人取
選尚遠歸原籍舊本詞林志

爭狀元遺戌

永樂四年丙戌莆田林環進士第一同邑庶吉士陳實自負其才疏取
狀元不公上詔召詰之對曰臣百問百答遂命學士解縉撰百問策
一道繕擬以聖門七十二賢贊賢何德雲臺二十八將將何功為問
及託里鼓誨上臨軒命林環陳實對試實對曰聖人之育才與王者
之報功事雖殊而道則一也請試陳之昔孔子當春秋之否繖環不遑
乃欲以轉否之責博望諸徒故杏壇設科時則有七十二賢焉漢明帝
承光武之統國家閒暇乃欲以救功之典激厲羣雄故雲臺紀績時則
有二十八將焉收桃李於門牆列名姓於廊廟天下後世稱君道師道

之極者有以夫今以七十二賢之德言之顏閔冉耕雍子子貢與夫冉
有季路言偃商師其德之載諸孔論者無待陳矣自此之外卉捷徑而
私謁是成持狷介而百結是甘有滅明原憲矣然遇事而不更其守貧
賤而不移其心不有商瞿顏襄曾鈞顏高者乎親賢以造君子領學而
為小相有子曄子華矣然脫庸俗以游高明習禮樂以養性情不有梁
鱣添雕哆商澤冉孺伯皮者乎南宮适之所尚在德添雕間之見道分
明固不可及其他公孫龍后虔或學君子或務自修壞駟亦樂效孔忠
或道中庸或明家學其有得於聖教何如哉公右長之非罪冉子季之
四長固為可稱其他添雕徒父鄆單榮旂或以操著或以才名公哲哀
良孺原亢籍步叔乘或敬治己或惠及人其為聖門之傑出何如哉究
孝弟以體悉聖心遭患難而寵辱一致石作蜀有若巫馬期白井疆縣
成其人也志不降而行不渝俗各細節而守不訛隨申張罕父鑿半左

之郢其人也更寒暑而學不厭隨窮達而守如常孰若公夏首狄黑秦
商顏之僕燕叔秦非焉仁孝修而貌如愚麌鄙變而志仁道孰若高柴
公堅定鄭國樊須馬避叛兄而能潔遵善誘而德馨司馬特與顏子柳
耳至於南茲容箴公西箴施之常其所以聯同姓而明臣道謂非斯人
之徒與道可明而志不屈問詩禮而吾得三公與與陳子禽耳至於顏
曾廉潔任不齊叔仲會却異其所以復中正而挺高尚謂非斯人之匹
與噫此聖教之所甄陶而為天下萬世之所崇祀者也復以二十八將
之功言之滅羣雄除苛政與大斬將搴旗攻城畧地者固不乏人而其
功之尤為特異者果為誰哉首建大策以光武為必可為鄧禹壯矣然
鎮守河內使民生不苦於兵戈不有寇恂乎八戰八克以敵國為不足
謀吳漢勇矣然安集關中致百姓相安於無事不有馮異乎折衝千里
奪弓三百自古惟勇將能之而賈復蓋延匹美矣憂國奉公善待士卒

自古惟仁將能之而桀遵王霸兗追馬耿弇決策定計而以勝算高天下固兵家之雄也而耿純陳俊料敵如神每出而成克捷之勳非中興良佐乎任光羽翼太平而以威望先士卒固當世之英也而邳彤萬修運奇掌上逐鹿而樹萬全之功非佐命巨擘乎王梁杜茂應亦符而擊五校矣乃撫劍抵掌志驅伊吾之北者滅宮馬武也岑彭姚期平西蜀而斬王郎矣乃善治鄣塞身負矢石之難者馬成堅譚也景丹傅俊李忠或收戰勝之烈或參帷幄之謀為功不同而其策立於當時者要皆從王事於有終者也朱祐劉隆劉植或稱汗馬之勞或展運籌之功所建不同而其効力於王國者要皆為社稷之翼衛者也然論者謂七十二賢中有秦冉顏何冉黨大三人者將以為是則德業間望寂然無聞何與意者世殊時異傳記有所差訛故若存若亡如此耳又謂二十八將外有王常李通竇融卓茂夫四人者將以為非則并蓋於臺一體崇

祀何與意者功非草創績在方來故推恩至此耳要之贊人君子何代無之而名世之出每侍王者觀聖賢者慎毋以七十二賢為絕德當如宋邵楊程朱諸公庶無負聖教而得與夫崇祀之列觀雲臺者慎毋以二十八將為奇功當如國朝徐常沐郭諸公庶感動帝衷而得與乎畫圖之選者哉策上林環亦僚答詳悉竟以廷爭違旨永成邊衛實赴衛亡何卒二子繼沒時勿補到衛歿死累及旁支嘉靖間始開免

福州府志

又寶諸生時上官謁文廟僕寶贊禮值大雨擬拜階上寶高唱曰拜下禮也上官勉下拜已升明倫堂命講大誥以難之寶曰此朝章當立聽上官竟不得坐

應吉士再選

永樂四年三月癸丑選進士為庶吉士江殷胡啓先孫迪張叔豫李岳

潤陳孟潔張文選鄭復言曾春齡曹閻盧水黃獻及修書貢士朱紳
復選進士黃安王資益黃信功黃所載鄭回趙圭陳夢京羅仲深邵輝
吳文徐廷圭鄧成周煒陳寶謝霖楊復王淪樂時逢劉本黎為庶吉
士

南宮傳代蒙宥

永樂十年二月庚午會試末場貢士張彥曉余義互傳代策御史送禮
部請鞠治皇太子令翰林官閱其文平常宥之復藍瑛後科

習譯監生

永樂 譯字監生許應舉會試卷末仍譯書數十字場畢送翰林院
足去取仍送入場填榜天順以弁競革

庶吉士三選及貢士外官

宣德八年三月戊辰選進士尹昌黃贊趙陳睿傳綱黃回祖人乙傍

貢士龍文章瑾李滄藻蔡黃平陳詔田鈞李蒲王鑑朱金袁和林同榮
同恩張承翰陳康龔理相左黃興李余王佐鄭觀胡如陽趙象蔣崇祖
命改進士為庶吉士乙亥賜詩

十一月甲辰尚書襄義楊士奇楊榮郭璉胡濱選前科進士能文者係
程賴世隆吳節李紹萬洪虞瑛潘洪王玉陳金劉實鄭建方熙何宣為
庶吉士學士王直教習

己酉諭行在吏部尚書郭進達外官有文學者明日奉引六十八人命
楊士奇楊榮試之 知縣孔友諒進士胡端楨廖莊宋璉教諭黃純
徐維超訓導婁升改進士為庶吉士

庚辰齒錄

天順四年齒錄閣臣許彬子起刻兄越奎文閣典籍
進士仁和汪諧齒錄書父仲淵蓋極刑諱其名也

焚闈

天順癸未禮闈火貢士焚死百十人並賜進士諭祭吉水羅狀元
倫常熟徐侍郎恪俱若有人提出之者餘杭葉御史猶夢神告以衷緋
而入及賓危史卒謂緋者官紳也累救免

翰林院秀才

成化丙戌科榜眼休寧程敏政

丁未科進士眉州歐鉉

庶吉士一年散館

成化辛丑科庶吉士明年壬寅八月辛丑李東陽倪岳謝鐸焦芳陳音
授編修吳希賢授檢討劉道改中書舍人張敷華等九人俱主事

寃貢士三科

弘治二年乙酉九月己卯貢士林潤以會試三黜故事禁入試請寬明

年特許一科

三年庚戌十二月甲戌弛貢士三科不試之禁

鼎甲館課

弘治壬戌科選庶吉士併修撰康海編修孫清李廷相俱謀書命學士
梁儲王華教習先是天順四年三月丙戌選庶吉士劉健等十五人并
修撰王一夔編修李永通鄭環命學士劉定之侍講學士于銓溥教習先
後鼎甲不課萬曆壬辰後選館概課鼎甲不出序

減場

正德甲子科四川解元周洪謨

丁卯科福建解元陳俊初場俱五義

爭解元占席

正德庚午科山西解額陳皋謨第一沁水常倫次之方鹿鳴宴倫厯階

而升請與皋謀角主司慰諭占席乃退明年辛未倫成進士授大理寺評事以酣狂謫壽州判官仍故態扶於臺使棄官後服除起寢光州守不赴已謁選騎出歸德舞雙刀陷淖中伏刃死年三十三亡子倫醉即矢口成詞邑妓孔留性敏記立破之絃索隻字不遺今澤潞間所傳樓居子樂府得之孔留

齒錄聘二氏

正德戊辰科探花莆田戴大賓寅仲原聘高氏太監劉瑾強以兄女字之齒錄刊聘高氏劉氏大賓奔母喪道卒劉氏嫁閩中士人坐瑾黨削籍

試規

宋制大比之歲每州皆有貢院本州士子皆得入試明朝先以監司選擇之乃以入試景泰以後專委之提學憲臣

嘉靖初會場禮部條約許舉子帶洪武正韻一部表末時不用燈天仰
聖見董穀碧里難存

科場舊規正考閱易書二經副考閱詩春秋禮記三經各不相涉見詞
林典故

鄉錄論表各二

嘉靖七年戊子科江西主試

羅

刑部主事詹應坡鄉試

錄刊論表各二篇名雖舉子仍分注羅撰詹撰

會試錄序不受門生

嘉靖己丑科會試錄後序霍瀚撰略曰我百執事知所以事君乎賢才
社稷之祿也聖主求才為社稷也吾臣子貪以為功得罪社稷孰大焉
是故多士進矣 聖天子不用為私用我百執事其政曰士諒我進為
吾門生市私恩乎又曰爾多士進矣服事應僚鞠躬誓心下衛民生上

衛社稷圖報 聖天子為帝臣公臣母德舉主匾曲河北以獲戾社稷
是爾社稷之臣也其慎諸於戲其慎諸

正德甲戌科霍韜會元於座主不稱門生

萬曆乙未科吏科都給事中

楊東明分考不受門生

三甲進士刊策

嘉靖乙未科進士安陽郭樸第三甲出身 上善其策命鑄於一甲後

附學生

寧國府志嘉靖十五年知府李默著載附學生一百人宣城八十人南
陵涇太平各七十人寧國三十人旌德四十人又泗州志嘉靖初侯定
訓著盱眙附學生僅三十人乃募子弟可百人教之明年夏補諸生三
十五人篤督教如舊以兩地觀之往時附學生猶寥寥也

鼎甲並相

嘉靖壬戌科一甲申時行王錫爵余有丁
萬曆丁未科一甲黃士俊張瑞圖施鳳來

丙辰科一甲錢士升林鈺賀逢聖以上俱入相壬戌固極盛而丁未諸
公頗有遺議士升丁酉歲選太學久不售考選例當縣丞而止乙卯舉
北雍聯捷躋於政府

羅萬化

廷試策進呈必書法梁整隆慶戊辰科閣臣進呈 上疑首卷有私於
二甲卷 得羅萬化寘第一其卷書法多塗抹

劉珠董又莘

公安劉珠惟明嘉靖丁酉貢士困公車三十六年每下第輒投執友江
陵張太岳詩始知相府深如海不使山人醉似泥又相府勑名青萼少
故人心事白頭多隆慶辛未科年六十六成進士珠上太岳書欲知座

主山為壽先看門生雪滿頭

萬曆乙丑科睢州董入莘時年七十恩南京大理寺卿年始九十視復無恙

館試斥落

正德十二年丁丑進士睢州劉淮考館試卷風吹過五鳳樓南御河邊尋得楊闇老將卷面批不謹二大字遂不取

冒籍

令甲嚴科場冒籍按宋科場嘗二年一開或四年三年一開天下舉人多就開封府寄應徐節孝先生曰二年一開不若使各路轉運司類試總一路解額解額既廣則人皆便之是可以革寄應之弊也

辨李廷機失中三元

李九我隆慶解元主考瑞泉申少師即留為館賓轉館於歸安重宗伯

家矣未李得會元申正當國宜以狀元予之贊商文毅之盛乃拔朱養
高國祚第一李君居二有意乎無意乎二公皆清正木可甲乙也太國
値薄僅小品按癸未廷試申文定以子用懋入試避讀卷則文肅所著
殆未之效也九我姑弟後見秀水頗快快一日秀水疾九我過候空稱
推窗庭松蟠屈笑曰弟嘗夢歷此景或云功名在是今得之矣名次兄
後非豫兆耶自是懽洽無間

省試專遣

萬曆乙酉始遣京官主試各省舊主副俱教職由監試御史所聘藩司
提調臬司監臨彌封謄錄受卷官皆有司例得閩墨卷有所議拔廩內
毋敢違也自朝臣專遣內策始肅又

巡按御史邵梅墩

監

楚試不用詞林

萬曆甲午科禮部推湖廣主試翰林院

吏部左給事中葉

繼美 上除翰林竟點繼美另用工部主事莊懋華

程策相同

萬曆丁酉科沈馬鄒德溥擬南京主考其寓邸乃霍文炳故居窖金若干坎之為巡城御史况上進所劾免官因以所撰策一道貽南京河南主考俱故人也竟以雷同被給事中劉道亨糾之南京主考左庶子朱國祚右中允葉向高河南主考尚寶司卿蔣春芳戶部主事李長庚

割卷倖售

萬曆丙午科山陰監生鄭汝鑛舉順天第四人本儻游選貢馬顯忠卷割贋倖售事覺監試御史李捕順天府丞題請顯忠補額禮部謂無例且末策非其策而止

韓敬

歸安韓敬營師事宣城湯太史賓尹萬曆庚戌湯分考搜鄰房拔敬會
元時方忌湯遂見攻者衆敬免官終身不違彼其才自足博一第惜以
主司累也

劉暹

庚戌分考諭德趙師聖得會稽劉暹卷薦第一主司嫌首義過奇抑貳

第六趙固執不可遂冠乙榜謂來科必元暹終不第言及輒墮第

萬曆癸卯江浦趙體敬丙午長洲陳元素俱擬鄉解不果

鄉榜填改

萬曆壬子科四川第六名王應熊悞填周繼昌放榜後

推官楊一

鵬檢舉御史彭端吾以聞有旨改正繼昌走訴京不許主試兵部員外
郎張應徵大理寺評事陳曰庭各罰俸二月先是戊子八月南場分考
當塗知縣德清章嘉楨填榜四十九名詩經荒字十號

悞填春秋

荒字十號曹祖正榜出尋檢舉應天府尹張楨等遂未進試錄奏上祖
正除名嘉靖奪俸五月詩經卷解部覆閱

巡撫監試

鄉場監試例巡按御史或偶闕如吾浙則改巡鹽御史萬曆乙卯貴州
巡撫都察院右僉都御史張崔鳴代 監試

鬻元

萬曆丙辰會元吳江沈同和係倩筆首義又湯賓尹舊刻也放榜日一
蒼頭喜甚即曰吾家中一會元又多一會魁同邑觀榜者即拉問爾一
家安得兩捷乎即詰責被掠微吐其情亡何事敗升革第六名趙鳴陽
長安以骰子戲曰斷公絕六

廷試策失塗註

萬曆己未科會元莊際昌廷試策偶快筆以塗註不便進呈例任之果

第一其後論者謂駁勞不辨之狀元遂回籍讀書益忌方相國從哲借
許之也崇禎辛未狀元陳子泰策陽陽快易易榜眼吳偉業策唐之廣
騎驕快驥上俱手改丁丑會元吳貞啓對策亦快筆同年包爾庚戲
之曰兄又不辨字狀元矣

會試特點同官

天啓壬戌科閣臣推何宗彥顧秉謙主禮闈 上點宗彥忽及朱國祚
非所推也顧以是不憚疑秀水有他故後秀水捐館擬謚文懿朱公子
爭之得謚文恪

管紹甯

崇禎戊辰狀元閣舉武進莊應會 上閱卷不憚遽拔其次抽篩卷得
管紹甯策內誠字欠一ノ 上問閣臣云何對曰聖意果可點畫何礙
上遂加一ノ寘第三紹甯因號誠齋

首輔鄉人狀元

辛未狀元宜興陳于泰為首輔周延儒表弟故事會元策另封有二錦衣官閣知太倉吳偉業也乃封兵閣擬于泰偉業及夏曰瑚第一甲上如之御前拆封首輔高聲曰第一甲第一名陳于泰常州府宜興縣人不覺汗出浹背辛上不問偉業謁周周曰以吾當國而拔宜興人狀元天下其謂我何又語于泰曰事有不辨而自明有辨之而後明今吾弟首贜雖辨之誰為明我者先是周買陳氏宗人宅毀其家廟陳氏攻之實非有私也于泰倨誕亦不執師弟禮

二甲御書

甲戌二甲第一名李昌系 上硃筆蓋鼎甲御書餘閣臣定之時首擬武進陳繼綬宜興吳國華次之 上不慊嘉善錢相國搜卷得杞縣劉理順條對詳贍但多訛字 上手訂焉拔第一

廢卷騰聲

崇禎丙子南場分考戶明興闈廢卷簾中有聲即檢閱仍不錄其聲加沸再檢再廢簾聲如初忽卷躍簾外戶異而拔之則無錫高世泰也見世泰問其何德世泰無對同年包爾庚問之曰向不二色

程策之悞

崇禎丁丑會試程策有云世宗之時外有火節俺答之內有鄧茂七劉六劉七之寇夫火節在成化時鄧茂七在正統末劉在正德中誤甚

丁丑鼎甲

崇禎丁丑廷試閣擬海寧陳之遴無錫高世泰廣昌劉大年前列常熟趙士春吉水劉同升則二甲及第讀之遴卷上不出一語讀大年卷色忤讀同升卷云陛下何負於諸臣哉諸臣負陛下耳上善之拔第一次之遴士春二甲首世泰

馮士驛

吳縣馮士驛善春秋屢困場屋貢禮部宜選司理崇禎乙亥或勸之應北闈果豫薦丁丑有孝廉來候知其馮姓曰足下今年必第矣叩之曰吾三年前寓此舍夢有人推我去云此馮進士寓所也足下適合之矣果成進士

萬年曆

崇禎庚辰科 上嘗閱萬年曆相傳姜太公著廟李淳風注每朝各四句 本朝未句

魏蘇因注魏氏蘇其因也廷試後召對諸貢士通州魏藻德敷奏稱旨拔第一尋超拜相 藻德初名 當有鬼自後呼之曰藻德因改名

南闈謠

崇禎壬午應天榜宦室七十餘人謠曰不要古文不要時文只要松文

不用孔子不用孟子但用公子是年相傳此榜後不復試士果然

馮元颺

癸未進士慈谿馮元颺被召對 上曰天津巡撫於爾何人曰胞兄也
又問五經中者爾何人曰臣胞弟

主考宴

兩京主考惟順天主考賜宴本府會試主考賜宴禮部

進士歸娶

洪武十八年乙丑科探花仁和花綸

永樂己丑科榜眼定遠苗衷年十九

永樂乙未科探花閩縣陳景著年十八

正統乙丑科吳縣劉昌長寧周洪謨

正統戊辰科榜眼長洲陳鑑年三十四

平越黃綏懷安謝琚博野劉吉襄陵邢讓俱年長
景泰辛未科繁昌吳琛年二十七

成化丁未科狀元鉛山費宏年二十

弘治壬戌科海寧許元金年三十信陽何景明年十九

弘治乙丑科榜眼會稽董玘年十九

正德戊辰科探花莆田戴大賓年二十丹徒唐鵬信陽戴冠弘農王言
正德丁丑科探花南海倫以訓年二十

嘉靖癸未科探花華亭徐階年二十一涇陽秦世顯錢塘孫繼曾

嘉靖丙戌科會元趙時春年二十

嘉靖己丑科荊門羅博晉江蔡克廉梁懷仁歙縣程尚寧鄞縣陳東

嘉靖乙未科晉江周天佐渭南薛騰蛟浦城周鳳岐

嘉靖戊戌科南海馬拯盧夢陽興化陳應魁莆田林茂植豐城杜拯濟

南張潛餘子李春芳

嘉靖癸丑科曲周楊一鶴峨眉荀延庚龍游陸贊
隆慶辛未科慈谿孫成名錢若賡高平劉虞夔
萬曆丁丑科平湖陳奉來

萬曆庚辰科南靖吳宗熹番禺謝與思

萬曆癸未科永春李開藻

萬曆己丑科定襄傅新德晉江林欲棟同安蔡復一漳浦吳案

萬曆乙未科羅山劉尚朴江陵朱光祚臨晉荆養喬

萬曆戊戌科成安王家瑞晉江林喬相進士歸娶容安某科

萬曆辛丑科象山史起龍

萬曆甲辰科南海李侍問

萬曆庚戌科昆明傅宗龍東陽趙明欽

萬曆癸丑科狀元宜興周廷儒

萬曆丙辰科德清蔡奕環

萬曆己未科武昌彭祖壽

崇禎戊辰科宛平金鉉

崇禎辛未科榜眼太倉吳偉業

解元未娶

吉水解 繒年十七

吳縣劉 昌年十九

金州蔣 晃年十五

南海馬 拯年十七

定襄傅新德年十七

宗室進士

淳安商 輅年二十

長寧周洪謨年二十六

慶陽李夢陽年十八

銅陵余毅中年十七

浙川金 遵年十九

宗室鄉舉始天啓辛酉科

朱慎鑑

崇禎戊辰科新建朱統鍊列輔國中尉選翰林庶吉士改中書舍人給假三年奏復館員歷國子祭酒

甲戌科新建朱統銓初名寶符候輔國中尉

華陽朱奉鉅初名鉅皆庶宗未請名至是改登玉牒本節候本國中尉

丁丑科新建朱統鑄輔國中尉

澤州朱克鯤輔國中尉

庚辰科祥符朱朝圭

癸未科南昌朱議汴原封輔國中尉

南昌朱統鏞

稷山朱鼎婆

陽城朱廷簪

兄弟同進士榜異姓

萬曆丁未科進士江寧徐鳳彩余大成同胞兄弟大成出繼外祖余氏

進士同姓名

永樂乙未科兩葉恕

宣德庚戌科兩王復

正統丙辰科兩李春葉景壽

正統戊辰科兩張瑄

正統辛未科兩楊瑄劉璋

天順丁丑科兩王道

成化丙戌科兩徐森

成化己丑科兩鄭宏

成化壬辰科兩洪漢
成化甲辰科兩王溥
弘治癸丑科兩曹璫
弘治丙辰科兩王言
弘治壬戌科兩魯鐸
正德辛未科兩王璽
正德辛巳科兩王朝用
正德丁丑科三張淮
嘉靖丙戌科兩張守鈞
嘉靖壬辰科兩高節
嘉靖戊戌科兩章煥
嘉靖辛丑科兩陳善

嘉靖乙丑科兩陳王道王三錫李學詩

萬曆丁丑科兩楊起元

萬曆甲辰科兩張銓一大名人永樂
遼俱乙亥正月二十八日生科第子女皆同亦一奇也參政前守兗州
有登岱詩後姜士望使君重沁水勒詩於石不知其悵

崇禎丁丑科兩陸自巖

崇禎癸未科兩王曰俞

武生進士

工部尚書劉麟廣西按察副使楊成俱武生第進士

進士吳任

附鄉舉

松陽王景科進士

程宗官翰林編修

成晉官

俱閫為內侍

成化壬辰科進士

黃謙官工部主事削籍善醫後除太醫院判

成化辛丑科進士江寧梅純以定遠知縣免歸改襲孝陵衛指揮使歷中都副留守

隆慶辛未科進士宋儒以貴州土官子官籍定州遂庶吉士改禮部主事坐免襲麻哈州土同知

天啓乙丑進士安岳張任學以監察御史巡按河南未改武階討賊遂改單都督府署都督僉事河南總兵官

建文元年河南解元祥符張信以兵部右侍郎改錦衣衛指揮同知終四川都指揮使

景泰元年山西貢士澤州侯爵以父雖征苗功襲錦衣衛正千戶成化貢士王宣龍聲武功左衛指揮僉事

弘治乙酉福建貢士楊瑛以虹縣訓導襲汀州衛指揮同知

四川貢士青神余寘以父子俊軍功襲錦衣衛正千戶

隆慶元年丁卯福建貢士蔡夢說龍岩所千戶

又閩縣林觀事文皇於潛邸累功至錦衣衛都指揮僉事嘉其篤實
命署禮部郎中奉使朝鮮仁宗即位勅鎮陝西宣德初召還仍掌衛
事以金吾署文部尤奇

重舉鄉榜

洪武癸酉科吉水曾秩舉江西鎖榜同輩誚之改名高乙酉入儒士登
科矢志不仕

永樂六年侯官鄭瑛以儒士薦應天癸未進士坐違例謫武當山督役
至十五年丁酉復薦湖廣

景泰四年順天解元廬陵羅崇嶽冒香河籍被革丙子復舉江西丁丑

進士厯兵部郎中

仁和汪諧竄籍順天舉景泰癸酉科被革還浙舉

成進士厯禮部侍郎

會稽陶大順竄籍順天舉嘉靖癸卯被革重舉浙江戊午科成進士厯副都御史

萬曆乙酉科北榜餘姚胡正道曰月籍革辛卯改王國昌舉南榜官鄞縣教諭

又洪武三年詔開科內云仕宦已入流品及曾於前元登科并曾仕宦者不許應試而是年福建鄉榜閩縣陳信林文壽並元進士再中式信之懷安學文專長樂學建文元年福建鄉魁第二人莆田林泰元閩縣知縣大建文初抒詔客有之間國始事不應沮格殆不可曉

優免廩生

舊制廢生斥退者仍追原米甚苦之成化九年北京提學御史閻禹錫
引考察斥官為比免追從之

莆田科甲之盛

莆田自洪武庚戌至嘉靖戊子凡五十二科編舉十一人甲榜
三百二十四人狀元二人探花四人會元一人解元二十五人宋時進
士九百七十餘人諸科特奏名凡六百四十餘人大魁五人宰輔六人

原始

鄉報急足始嘉靖

其昔舉子自備青袍後官給不知所自

選歷

科程墨始萬曆庚辰錢塘錢載穀號世襄膺貢官曲靖知府

會試房

刻始萬曆壬辰

廬博

鼎甲臚傳訖出長安左門京兆候迎謝恩畢宣堂上南向京兆北向席

特盛用太常樂仍謝恩出京兆送歸私第茶別狀元同鄉宦京朝者例
邀京兆讌之榜眼探花不預故事御批一甲三人卷用玉管筆折卷在
中極殿左

庶吉士到院閣臣送入錦衣衛宴亦太常樂

程錄稱臣

鄉會試錄序皆稱臣外省則否以兩京輩下外省則考官所自序也萬
曆初上摘此以問閣臣欲罪之江陵具言其效乃止後各省錄序俱
稱臣

六預鄉房

武昌教授陳觀子潤永樂丁酉應天分考癸卯及宣德丙午預考江西
福建調荊州又預考江西福建正統辛酉又分考應天丸六預鄉試

三氏學

國初立孔顏孟三氏學設教授司教授一學錄一學錄即孔氏裔為之
正統甲子始命宗生聽學仗考入棘成化元年許三年貢太學

學宮祀顏子

兗州滋陽縣儒學祀宗聖顏子之神與天下各學不同

迺菴志

廣文變例

天啓丁卯杭州府教授饒曰悟求計偕教授從九品例不會試曰悟謂
初受秩吏部給達現在也上官不能奪會被劾去

崇禎癸未八月許應天府教授晉江何九雲會試俄登第

補榜

崇禎庚午浙榜仁和尚觀法法字填補向未有也初潘生館尚氏冒姓
尚觀升補諸生是年同雋主考黃道周嫌其昆季以觀升改觀法觀升
走訴京師觀法除名先是隆慶庚午山陰諸葛一鳴讀書山中見人僞

一牘云天榜也問以己名曰爾在下科一鳴求增入許焚楮幣虔謝眾
秋捷謂前事誕不足信又計偕見前人曰若累我蒙家譴矣一鳴不聽禮
聞懷挾被革事相去一甲子適相類觀升少年誕肆僂困有司遂悒悒
不自得以死

進士

進士不可太少不可過多不少則雄州劇邑不能充而無所彈壓过多
則不相貴盛而塞舉貢之路嘗見鄒厚如著議以為甲乙不甚相遠請
每歲鄉試計偕即奉廷對間擇其甚淺鮮無當者置之使仍就鄉試而
其存者即盡以甲次授之官庶幾用其威銳之力不使疲精神於帖括
無用之技且使上不以資格待士而彰瘅明士不以資格自負自泥而
驕怠不作又可以省公車數萬之費其論博矣然士子學有深淺才有
高下譬諸草木區以別矣甲科之設所以廣厲鼓舞使天下之士精進

勉力而不能自己前人立此良有深意周禮命鄉論秀士升之司徒曰選士司徒論選士之秀者而升之學曰俊士曰造士大學正論選士之秀者以告於王而升諸司馬曰進士王者豈故為是繁縟哉重爵祿辨官才如不得已用人之道也士取其秀豈專盛銳哉今之諸生即秀士也應舉者即選士也舉於鄉者即俊士也進士即升諸司馬者也進士之名來自成周定自祖宗惡能廢諸盍請以後會試每房取正榜十人再取乙榜二十人正榜合之一百八十人乙榜合之三百六十人正榜則上親試而分三甲仍照選資乙榜則請以六十人任州以二百人任縣以百人為博士長其京官則盡以陞任不以初除凡揀選就教等項一切除去舉人五科不第皆不得再就試乙榜有不願就者銅之終身此添比之孚如所議庶幾不甚扞格

馮時可

先正流聞

宋濂攻苦

宋潛溪先生集有送東陽馬生序云自幼嗜學家貧無書每假借藏書家手自筆錄天大寒研冰堅手指不能屈伸弗之怠錄畢走送不敢逾約既冠趨百里外從鄉先達執經問道先達德隆望尊門弟子填屋室立侍左右俛身傾耳或遇其叱詫色愈恭不敢出一言俟其欣悅則又請當其從師負篋曳屨深山巨谷中窮冬烈風雪深數尺足膚凍裂不知也至舍四肢僵勁媵人持湯沃灌以衾擁覆久乃和寢逆旅主人日再食無滋味之享同舍生皆被綈戴朱纓寶飾之帽腰白玉之環左佩刀右佩容臭燁若神人而已縕袍敝衣處其間無怍色云云噫先生攻苦如此讀一過寸陰勤渠凜凜在目

周壽誼人瑞

高皇帝召耆老謁見昆山周壽誼居首年百十六歲賜宴及鈔幣按壽誼生於宋而鄉飲於洪武六年其六世孫震正德中令鄱陽出人瑞卷士大夫題咏盈尺上海陸子淵先生深以編修使饒跋其卷曰三代而下惟宋失天下為無罪惟元興最為事變嗟乎能夷人數百年宗社於強弓健馬之間而不能禁一老坐觀其子孫之復觀天日何其快也若壽誼公之壽足以繫興亡之故豈淺鮮哉且手挈華夏之禮以還華夏之主於克華夏之日何其奇也公六世孫震字世亨以名進士筮仕鄱陽令嚮往未艾是能輔昆華夏之道以昌公之世者則又不獨為壽而已矣世亨其懋之哉

唐伯逸

南昌監生唐伯逸洪武七年任仙居典史嘗謂取民財如取鷺鷥股上肉誠心愛民一塵不滓仙居縣志

鄒傑復姓

洪武九年六月 科給事中鄒傑於東閣奏臣祖孫福謙陝人也出守嘉興元亂航海舉家溺於登州臣附餘板得活僥於登人鄒義時年十四養為子冒其姓今貢成均進用乞復姓孫氏許之諭毋忘鄒氏

賈魯斥佛

廣西宜山賈魯洪武辛卯貢士授崖州學正改瀘州性不喜浮圖訓子網約輩皆儒業論以沒後當依家禮母作佛事否則必禍汝俊魯卒子迫於姻黨召僧設齋事訖焚楮忽飛煙焚其室平樂府志

逞宏言事

錢塘達宏弱冠時以郡諸生言時政得失 上說之試秋柳賦稱旨賜歸後選貢終松江訓導錢塘縣志

周魯章襄笠

新渝周魯章文瞻洪武末舉明經召為選部主事不就 上賜裘笠令歸教民稼穡因號明農隱逸

臨江府志

蔡新童婢

崇德蔡新父為人酰死新誓報奮擊之下獄十三年家童阿小年十五禿髮稍識書籲天求白主寃積麵作餌携之乞食至京擊登聞鼓歷十三疏始得白初阿小北去家僕婢二人謀逸婢攘臂曰主母薨薨恃吾二人若可去吾當終事之日刈草二百斤半供紡半曝之待風雨即孝女不啻也永樂癸卯新舉於鄉官臨淄令厚贍其婢年至九十二崇德縣志

徐樞

松江徐樞叔拱太醫院判宣德元年省墓 上聞其老詔出宮人陳氏偕內官陳福袁亨給事明年致仕後沒三人皆從葬

于謙

于少保有寄內弟書云薄俸五錢

地師某云少保祖墓當奇責不可言少保即馳書其子令遷葬另一緘
俟遠葬訖啓視子冕得書移葬如命始啓緘則述地師事也不半載遭
禍今書稿藏於家張元岵說

李東夢迎駕詩

土木之難李襄敏從征脫歸進戶部郎中夜夢作詩送楊鴻臚善迎駕
天恩寵渥作鹽梅迎復 上皇出紫臺羣 潛跡歸朔漠六龍回駕入
蓬萊明日以語同官次年八月而驗昌黎志

尹恂 戶直兄

尹相國文和直作兄恂墓志銘云以靖州衛吏任順天湯山草蕩大使
廣東廵岐巡簡司巡簡成化元年正月十六日薨 死夫尹氏歷城人

吏賤役必遠錄靖州人最下秩且戰沒不求卹先輩雖穹貴于戚屬無私厚其戚屬亦無望其私如此今攬入科第戚屬借粟監例貢輒思丞
倅京幕蓋以吏進矣故錄之以存古道

楊瑄

浙江按察使楊瑄豐城人成化中纂海鹽捍海塘堅壯有碑不存邑人
仇俊卿曰昔呂梁碑磨泐可認者止三十六字人皆惜之想見禹功而
楊公之勒一字無存感更為深自不能泯當知繫人心者不在碑之有
無萬曆乙亥僉事晉江陳詔來修塘入楊公祠不揖背像而坐亡何詔
口作公語曰我堂官也汝敢無禮我將殺汝尋疾作禱之始愈海鹽縣
志

王恕

王端毅家卑日有御史李興巡按關中酷刑殺人至三原斥公名而罷

之後罪人多罪當大辟又御史韓雍值點郊齋入部堂中道呼公名時議輕薄當斥公奏興雖酷無私可免雍直而有才可超遷從之

謹注詞

端毅配蓋夫人繼張氏文氏並贈一品夫人按成化四年南京御史楊智等劾南京刑部右侍郎王恕不顧名節託本部郎中黃綱娶故劉指揮妻文氏為繼室云夫以端毅之贊言動不苟臺抨風聞斷不足信

王存忠

仙居王存忠成化丁未進士歷御史知府無錢市靴詩云分付兜

曹休指望好將芒履印蒼苔其清苦如此

仙居縣志

楊守陳故宅

楊文彙故宅在鄞縣南二十里鏡川初未登仕至公兄弟俱顯接第蓋七人有野叟獻詩曰昔年曾向此中過門巷幽棲長薜蘿令祖先生方振鐸賢孫學士未登科將軍曹氏墳連塋賣酒王婆店隔河今日重看

新第宅煙波緩棹聽絃歌公嗟賞不已謂叟曰此詩誠吾家傳也當珍藏以貽後人欲厚幣酬之叟固辭而本

楊循吉定論

楊南峰先生作子胥鞭屍論夜聞山中鬼哭曰腕可斷筆不可改

包德懷嫁友人女

蘭谿通判鄭瓘溫卿記鄉先達包侍郎德懷在京與同鄉胡主事大善
主事疾革往訣主事止一女以託侍郎曰諾既主事與妻相繼沒於京
即侍郎抱歸其女囑其妻育之如己女後女長擇婿祝氏將嫁侍郎居
與主事相去二十里其故宅猶在乃先令人以竹簾分隔其簾事為三
間已處左妻與女處右中設主事神位至日備祭告嫁事命女拜已侍
郎長號慟哭然後行聘遣嫁僉具皆備

金華府志

周廷芳

蘭州周廷芳小泉守敏卒也一日讀大學有悟遂究五經篤信力行恭順候吳 請教其子對以往役則可往教則不可志節高峻言不空發呂涇野集

周鑑

周鑑字孔明麻城人正統乙丑進士授御史出按江西有大學士陳循子不法鑑論之死遷雲南副使九年不遷鑑所至汰墨理枉仍開寶泉霸積水溉田多至數萬頃後考績入京行江中舟覆幸亡恙陞山東按察使致仕還鄉鄉人布政李正芳僉事董應軫並有雅望邑令立督老堂凡大事輒咨此三人也

陳恪冰清玉潔

歸安陳大理恪以方伯家居寂歎餽弗不終薦者謂冰清玉潔 孝宗題此四字御屏

邵寶絕巫

無錫邵寶國賢知許州弘治癸丑五月鄭州某鎮地陷若干丈水溢民
爭禳之六月許州小趙鎮有巫言龍骨出土中誑言禍福邵以惑衆毀
其骨督學江西攜試牘歸家久而紙敝穴地瘞之

吳翰詞

吳翰詞字子修應山人嘉靖庚戌進士知棗陽縣清約節愛不附權勢
民愛之拜御史任事不避艱險按雲南風采卓然當是時嵩嵩勢張甚
御史報命不勝賂翰詞遂乞告杜門結友性耿介方直一介不苟無居
整肅宗人亦不敢近舊居數椽比卒斂以敝溫今棗陽雲南皆有祠

潘壩

淮安潘中丞壩
丁卯舉於鄉郡守趙公俊書聯取功名富貴第對
壩舅氏少司寇虛齋葉贊過而見之歎曰儻出門便教以功名富貴壩

聞教悚服

蔣信

蔣信字卿實武陵人諸生時貧甚郡守憐之令捧詔屬邑例得津贈信
即之王守仁龍場之謫道武陵從學然自有所見不盡主其說貞南雍
祭酒湛若水俾主諸生教事嘉靖戊子舉南榜壬辰登進士歷官兵部
員外郎四川僉事貴州提學副使以征苗撫檄即往湖北議兵餉不及
辭御史謂擅離職削籍歸不問生產闢桃園精舍與郡中子弟講業其
教人大抵主慎獨篤倫修行明理通世務在桃畠十八年年七十七卒
臨終賦詩歸去桃畠十八年歌游多在萬桃間萬桃於我浮雲耳願借
西風吹上天投筆而逝世稱道林先生所著粹言若干卷

劉大夏格言

劉尚書東山先生曰財貨須務農服賈凡力得者獲用其餘易致之物

終非已有子孫視之亦不甚惜况官貨悖入者乎

李東陽佑歌

李西涯飲陳都憲德卿魯司業振之邵太常國賢崔郎中世興何郎中子元等酒半李曰國賢吳人振之楚人間皆善歌歌以相和可乎遂出近詩數十首俾歌之陽春堂集

陳察御史騎驢

常熟陳察明遠任御史按蜀乘驥布按皆跨馬減其駒從按御史出巡舊騎馬後乘輿不知起於何時或成化後事浙有舉子王化大帽見接臺某某呵之間所起對曰即起於大人乘轎之年

魏庠鏹旁塚

崑山魏庠子秀納資任光祿寺典簿其廳事旁有荒塚邑令郭楠造而問故對曰其子孫欲售之久矣予之直彼不以治生而棄骨於水火故

寧存之令歎曰杜氏之葬在西階古人之義也不意今日復逢於君咨嗟良久而去歸有光集

清吏張守約

張守約字彥博岳州人嘉靖丙戌進士知華陽縣歷崇德遷南評事寺正擢知淮安淮安素難治守約遣孥歸單車携二蒼頭之任闢園植蔬自奉儉約禁絕官市常俸貯之帑間出以振困乏性嚴峻蓄家人少恩二蒼頭日啖脫粟數合鵝衣拮据憤恚不得逸一日乘守約寢刺殺之僚吏聞變急來視守約息僅睂瞑目語之故遂死檢所遺惟二敝篋箑中書數束敝裘敝襲而已衾褥惟惺咸綬浣汙裂靡堪御者二蒼頭竟伏法

朱良育不受封

吳縣朱良育積學不第膺歲貢子鴻漸進士官主事弛封不受竟明

淺經

杜了翁言行

廬山老儒杜了翁 曰道在論語言忠信行篤敬求之四十年未有得或曰道豈言行盡耶曰言行君子所以動天地也若外言行而講道吾不願聞時王陽明先生倡學東南了翁不至

熊鳳文不跪選司

熊鳳文以 推官行取不跪選司太宰許進曰推官能不謗勝文選令為御史肯畏強禦乎竟拜御史

桑桂移風社

平涼桑桂成化 貢士官大名通判廉靜好古與同邑彭會趙天錫倡移風社序曰平涼山水秀拔人習淳朴業惟耕讀確有古風比年喪亂不古俗信浮屠誑惑於始死及七七百日期年除喪飯僧道作水陸大會寫經造像云為死者減罪生天受諸快樂不為者必入地獄剗燒

眷磨受無邊苦是以貧者弗獲慎終惟備神馬楮幣齋糗蔬果經資之
費力不能速則淺土經年蟲蠶鼠穿富者忘哀作樂談經餽金飾備備
器務為繁勝傾家破產迷惑不悟殊不知生含血氣知痛痒剪爪剃髮
而灼刈之已不知苦死乃離形腐於黃壤與木石等神則報若風灰雖
剗燒眷磨將安施乎然浮屠所謂天堂地獄者蓋以勸善懲惡耳世人
親死而禱浮屠是不以親為君子而例視為積惡有罪之小人何待親
之薄耶縱使其親積惡有罪豈賂浮屠所能免乎此則智者所共知而
愚夫滔滔奉信風靡無已桂等生長是邦讀聖賢書浩歎頽風思與易
之相為立禮社名曰移風嗚呼風不可移也所可移者人心耳人心雖
為頽俗所染而天理之在人心終有不能泯者能以吾心之天感彼之
天則澆必轉滔邪可變正曾謂風不可移哉凡我同志敦崇禮誼毋懷
彼此毋間嫌隙凡遇鄉鄰朋儕之喪務為天理開導法語匡直斷以朱

文公禮制為準熄佛老尚哀戚貧者喻以義富貴制以禮其間古今異
宜斟酌輕重一求合乎中正雖勉裁力人心啟動舉知為美始而正一
家之風終而正一國之風何患禮之不復古哉雖然士君子立身進則
有功於君退則有功於民奚獨畏禮耶患難相助疾病相扶道義相尚
志行相勵過失相規使行業齊於古人芳聲耀乎當時而天下之風亦
可移矣夫子勗哉

韓昌

韓昌洪洞人世醫昌精其術不計貲施藥先貧後富嘗見御者臥道中
憐之診其脈傷寒為移燠室藥之汗愈乃行資以粥米洪武初避兵岳
陽山中遇異人授以秘術遇疾不俟診視望之而決生死時稱神醫豫
肅七歲誤吞針釘昌曰此兒不死毋憂也三年而出他日且生貴子後
釘果從脇下出已生文官戶部尚書

毛中丞里居

陽信毛海隅先生 恩義以南京督儲都御史致仕呂涇野先生相問公
歸邑居乎曰然茆屋數間對縣學呂曰久宦何尚茆屋曰自官主事來
俸餘一二十金居三十年婚子四嫁女二又親喪久外未治室也呂曰
公歸亦何樂曰予師張先生尚健友人董某姻家王某並尚在與割難
渡酒以熙餘生耳涇野集

景暘孝感

上元景司業伯時暘母陸太安人晚瞽數年所至求醫卒得金針於京
師復明昔庭萱倏大如杯初司業涕泣樹萱日萱花母療三年不花至
是花滿

胡松抄書

滁州胡柏泉太宰少貧無書時時借抄手輯名臣奏疏置枕日經理天

下在是矣

鄭慶禱蝗

嘉靖九年進士長樂鄭慶有章知滁州夏至滁反殃有蝗自西北來蔽天日上陵墳行麻沸所至禾黍報殲民男婦奔竄寢野居簡勤敏吏民十數輩部分之令各詣蝗所打捕張幟縱金舉火開塹又嚴為禁防俾勿擾蝗為衰其冬下令國中曰蝗善滋生必遺種茲不掘害將何極其發子母俾流毒於我茲土得亡算明年蝗果生息至蕃偏野復令既捕如往年法加審諸庶人在官者悉罷遣如初僅留門子一人侍又下教曰有能捕蝗斗者官與穀五升石者與五斗以是人爭捕得蝗數百石蝗倍蓰種幾珍絕有秋當其時雖不能微怨謾而潛宵隱澤其被與晏不斟矣滁州志談還曰崇禎辛巳嘉興亦募民捕蝗與穀竟外合不恰嘉靖丙午延津大蝗有司遣人捕之廩生周宦恐人不盡力乃自白於

人有能捕蝗一石者即與錢百文人爭捕之不旬日以錢百千買蝗千
石邑境蝗不為災

延津縣志

王勅雲母

厯城王祭酒竹泉勅少得道術後督學河南試諸生見白雲出山急遣
人十數里外視雲落處掘得白石如雪歸切片煮為腐甘美非常曰此
雲母也

徐階論士

徐文貞公曰欲觀士大夫名節但不聯姻富室不接袵山人便是端莊
之士

禹元成集

林思承致仕

莆田林思承官淮安同知致仕所親止之日公旦夕金紫矣思承曰心
首知止一命有餘若其無窮三公不足

唐樞

三

歸安唐樞一菴先生論博施於民而能濟眾重能字蓋人亦有施而不能者政不善也

今人但知顏子不枝難及不知一犯字學他不來弟子謂曰何謂也曰
顏子持己應物決不得罪於人故人有不是加他方說得犯若我輩人
有不是加他必是自取所謂夫人必自侮然後人侮之也何曾是犯我
輩未須學不較須先學他犯字李樂見聞雜記

唐順之

唐荊川先生論易爻有吉凶大象獨言吉此聖人示人直入聖道路也

高拱知人

高崇立相國署吏部日戊辰進士蓮秀水沈思孝等八人分令廣東俱
目囑得之並厯侍郎其一中丞沈繼山先生說

張尚書學顏僉事皆賈捧入都相國一見喜曰今日得一督撫矣錢御
冷說

張居正急才

張太岳編修時本院公讌演千金傳奇至肅何追信凝視久之同列以
專注謔之答曰君目將相遇合之難如此毋得草草蓋江陵意自有在
非同戲謔

山陰吳兑環洲出高文襄之門以器識見重時輒咨訪呼為吳學究蓋
水滸傳中智多星也俺答孽孫那吉初降文襄議同江陵以問兑曰可
受之有喻於此如麵二石作一大饅頭須大釜大籠文襄意遂決後文
襄罷江陵盡斥其黨獨兑不廢或媚江陵刺史兑江陵曰吾固悉之但
難其代累遷少司馬而速把亥擾薊鎮江陵語冢宰為我致吳環洲能
出鎮乎兑聞之曰某効塞上久犬馬猶暫息之相公猶未忘我耶江陵

得報曰否否此原報洲意可再質之彖告兑兑謝曰往疏雖及此第
薊鎮威繼光遼鎮李成梁兩大帥未易節制須尚書銜江陵曰不可第
往勿憂不尚書也兌出鎮薊遼事定累進尚書終江陵兌無穢芥之嫌
錢御冷相國說

浙江缺督學選司以某人擬江陵弗首肯還司却席請問曰其沁水劉
東星乎東星在浙藻鑒得名歷總河工部尚書張鏡山先生說

徐階李春芳陸樹聲

青浦慧日寺落成少師徐存齋階做東坡解帶事奉世廟所賜蟒衣
一襲付僧圖寶留鎮山門因賦一絕單衣露冷宿雲華悵縕宮袍傍帝
車拈向山門君莫笑細看這是舊袈裟萬曆丁酉大宗伯陸平泉樹聲
年八十有九出衲衣一襲手書偈曰解縕歸來萬曆捐盡將身世付安
禪披來戒衲渾無事不向歌姬為乞緣嘉靖丙午李文定春芳將入秋

闌宿旬客 寺題壁年年山寺聽鳴鐘匹馬西風憶遠公他日定須留
玉帶題詩未可着紗籠及入相歸解玉帶留鎮

姚弘謨迎母

秀水姚少宰少孤母改適登第後迎養於家

袁洪愈貧宦

長洲袁安節清介絕俗雖善噉貧不屬營每市覲佐酒可竟斗許門生
嘗餉十金輒三分之袖其一乘月步贈窮交其貧多錄此訪王元美留
竟夕俄接家報中數元美問之方負進二十金見迫即代償之以盡其
懼後解南太宰薦元美自代元美起南少司馬嘗戲曰吾生平此二十
金用得着喻叔虞說

余有丁家祭

鄞縣余相國文敏父永麟幼襁時育於小江里余氏後鄉舉歷蘇州道

判生文敏既貴當贈三代莫知所自出不得已贈永麟所後父憮憮父鐘而命子豫家祭自蘇州公始禮因義起也

文敏少從宦蘇州慕崑山歸有光名將師之不果嘉靖乙丑文敏以編修分閩拔有光第二

沈思孝在成

萬曆丁丑沈比部純父幼江陵奪情戍神電衛游某山剝蘚見石刻翠巖亭三大字旁題謫仙三百載此樂有誰傳鑄宋某年月日因推今日正三百年也巡臺徐時可欲辱之示期閩武純父短後衣橫矛路罵於演武堂遂不至總督臨武劉堯誨檄高州同知劉石令以成見純父應役中道止之環召時總督長樂陳瑞得報方囁茗失鹽碎地責中軍曰城內有謫臣何不我告亟通幣起居且致賀必求面純父行迫不往遣蒼頭報謝賜茶中堂語次泣下婉叔祥說

戚繼光

戚少保鎮薊門駐三屯營最久經畫周詳有祠總兵尤繼先之任不拜
祠除夕公庫災獨題梁入銀牌存牌重五兩題某年月少保所記
也繼先歎戚公神人刑牲以祭

馮少墟規鄒南皋

鄒南皋元標居鄉好言事操月旦長安馮少墟先生嘗戒之絕不與聞
一事

申時行李廷機薄殯

吳縣申文定相國捐館屬其子太僕用懋曰先人殯並非川木勿貽我
媿

晉江李文節相國捐館門人蔡太守善繼議用川木李夫人曰相公一
生清節囑身後棺槨直六兩不敢背其治命

李廷機鳩工

李文節宗伯時謁李湘洲祭酒屬芳曰國家工役切莫先估計估計皆內相大臣為政彼但索已橐故一倍至二三十倍吾不先估計且孟浪起工彼雖日有所需然不能計成數多少工止而彼散矣更無積聚錢俟彼分賚

趙大華

萊陽趙大華任鄆陵令邑民以不紡績大華勸諭夜行潛聽有紡績聲以良民勤紡四字識之次日呼至賞棉花五斤自此得紡之利及今永賴

李騰芳

李湘洲曰每見士大夫一捐館舍其子弟往往向人稱外侮人亦為之傷世態之炎涼歎人情之急薄予以為不然君子生則人敬沒則人思

彼寂寞於生前而榮華於身後為人尸祝俎豆者何人哉人必自侮然後人悔之向使恃位挾勢欺凌侵奪人無奈何直待其子孫方與復算此所謂悖出悖入出爾反爾而稱外侮非矣

張臣感傷

麻城梅衡湘中丞國楨筮仕固安總兵張臣過邑彼宿將逐虜棒槌崖殪數千人時繼其冑功公獨加敬張驚問答曰棒槌崖之捷從來未有我歲子以天下豪杰非以其官也張不覺大哭伏地歎曰某血戰一生天子不知大臣不錄今公獨知某雖即刻死公前不恨

王汝訓散贊

王侍郎弘陽本富室以父防盜晨夕不安勸散其貲於親故十去其五父得夜息侍郎後益貧搜徒里中自給室不能牖填輪道照農具雜陳了無宦緒張藐山先生說

唐文獻

上海唐抑所先生署翰林院篆沈四明當國移檄求印輒稽之雖四明不快然無以奪也內計時有所去留並未嘗請命殘御令相國說唐謹文恪所謂易名之典仍犯其名何也宜如陳莊靖文例易之

陳澹孝故

淳安諸生陳澹人性嚴事之甚謹廬墓三載奉庶母如嫡慈庶弟孤姪晚歲手織成孝字山陰王思任題孝絨堂

顧憲成寡欲

無錫顧涇陽先生少時讀養心莫善於寡欲反之寡欲莫善於養心最有味

衛一鳳辟狐

陽城衛桐陽大司馬前守青州有樂婦崇於狐間鼓聲堂上曰尚書正

人也義不敢近

鄭繼之

襄陽鄭鳴峴太宰留意品鑒典銓時殆八旬於士流素復口誦不爽

彭應參

萬曆甲午光山彭侍御按浙風裁峻厲不畏強禦烏程董尚書份

范祭酒應期並怙勢扞綱繩其悍奴范至自經董嗾其婦吳氏訴於朝詔逮侍御後放歸

詹景鳳

詹中岳任南京吏部司務凡部曹謁總憲私第例趨左門惟鑑郎於儀門外延於別館詹謁右都御史海公瑞獨拱立直馳中道抵門騎間而言曰敵曹統領縉紳闢左右門以奔走人而奔走入左右門如體統何其後復徇海公事詹切責之

許弘綱責子

東陽許少薇總憲還里鄉人送柴問之云例也召責其子私權杖之

葉向高講學

葉臺山相國見鄉南皋先生論學曰今講孔孟予只講閻羅王鄉問其故曰不佞老矣填溝壑之日近苟有欺君慢國傷人害物招權納賄等事於閻羅王殿前勘對不過者皆不敢為鄉笑而是之

李九我相國 戒文筆福清欲效之李曰子效我殊難我向嚴令人不敢強子面善無以謝其求也力不能兼可廢詩耳

吳道南

崇仁吳文定相國語嘉善錢太史士升曰若初入詞林須記三事不擬試目不受門生不出游慮保名節

竇子偁

竇子偁可揚按察兩浙剛毅敏決雖婦孺知其名遠右轄以御史沁水孫居相薦之時方指居相東林黨魁也厯官守法不附一廉如水竇自是絅議解官去不復出子偁萬曆壬辰進士

徐光啟

華亭徐文定初以右春坊右贊善兼道監察御史監軍出倉卒特授僕從不備自募人肩輿

楊瀚

陽城楊瀚神觀頑偉萬曆舉於鄉宰寃遠為盜藪治尚嚴細道不拾遺謂良鄉亦縣衝瘠其治如寃遠而稍剝之民犯博者褫其衣給驛卒自題門帖曰門如市心如水一塵不染提得起放得下百事敢為奏最限乙榜量移南京大理寺評事在時為右邊尋致仕素善酒嘗飲邑令張文運張連浮大白歎曰令君可人

馮氏義僕

華亭馮御史恩次子可家幹馮良託以筦鑰可沒于大夏蕩廢棄其家依妾金陵十餘年不歸良每歲收田租易金即匿藏之不私一錢良久覓主歸以所積萬金還之大夏遂為富人後大夏沒諸藏金為他房瓜分良又不取一錢人稱其厚良子三皆諸生稼明玠天啟壬戌進士慤御史良原趙氏

葛寅亮督學

錢塘葛屺瞻大理前督學湖廣每行部謁孔廟輒命諸生講書次第數十人默定優劣有講回之為人也節聖人撒手是道賢人尚差一地位故拳拳服膺葛大賞之

丁賓老不忘孔林

嘉善丁清惠尚書年八十八崇禎庚午三月特北謁孔林嘗宿志

朱國楨秀才氣

丁清惠與烏程朱平涵相國善謂其居皆鼎猶秀才氣象相國笑曰原是老秀才近來庶幾葉臺山無閻老氣

朱氏世改革相國不殖產曰我何敢忘祖父改革守藏時事乎

沈演四友二老

歸安沈何山尚書作四友二老圖身與王太宰永光畢司徒三才李宗伯騰芳曰四友與張總憲廷登曰二老俱萬曆壬辰榜崇禎初起家

董其昌

華亭董玄宰宗伯坐部堂上朝鮮貢使謂為異人夏給事子暘使琉球歸來董書賂其來使

錢士升

嘉善錢塞菴相國先輩御令曰士大夫居鄉止宜杜門不聞一事若曰

欲作好事便開罪端蓋身非有私而因緣旁入安能預察而盡中其綮耶

好人之所惡惡人之所好是謂拂人之性若好人之所好惡人之所惡亦拂己之性

經正則庶民興史熟則名臣出以上俱面說

陳組綬結客

武進陳伊菴官兵部

結壯士千餘人皆漁陽大俠時勞以金帛及卒或欲收其客為列校客曰我等數於義為陳君效死豈肯仰文吏鼻息耶哭其喪而散

陸夢龍

餘姚陸參政夢龍好談兵先是黔中閩軍令七校各兼貫進身生貢院門禁闈入初單多更番遼應至是術窮第七單高拱北擇四百人閱試

止五人立斬拱北先後达萬人

張燁芳

山陰張燁芳曰人而無友不如有仇仇亦足祛人眉宇間竄情氣按
燁芳居隣陳都諫爾翼都諫燁熾時大不能堪俄都諫以黨敗燁芳成
進士嘗演魏忠賢諸劇陳隔聽亦不能堪燁芳官給事中被謫壬午補
翰林待詔道臨清值北兵匿於道院發其裝得進賢冠徑人令諸人戴
之俱不合獨宜於張被殺贈太僕寺丞

吳麟徵家訓

海鹽吳忠節家訓曰莫道作事公莫道開口是恨不割君雙耳朵插在
人家聽非議莫恃築基牢莫恃打算備恨不鑿若雙眼睛留在家堂看
興廢

熟讀經書明晰義理兼通世務世亂方殷八股生活全然冷淡農桑根

本之計安穩着數無如此者詩酒聲技非今日事

柯起鳳不負丞

休寧縣丞柯起鳳四川

人以廉生脣荐不卑其職才守自篤遇事
敢斷棄若神明臺司委決無虛日聲出令長上為各司理所嫉構之去
郡人祖送傾市竟任不私一錢吏部尚書鄭三俊嘗追訟其事

王朝堂元孝

流寇陷太康諸生王朝堂以父中丞

樞見所拊棺拒罵被殺棺得

全

諭幼儒勅

太祖高皇帝諭幼儒勅有曰蓋於馬退山茅亭記見柳子厚之文無益也柳子厚之兄司牧邕州構亭於馬退山之巔非勞人而弗成既成而無益於民是害民也略不規諫其兄使問民瘼之何如邵乃咏亭之美曰因山之亭為基無雕樣斷棟五采圖櫟以青山為屏障此雖無益文尚有理其云白雪為藩籬此果虛耶實耶談遺曰讀聖諭得作文真訣矣存誠去浮根理資用今曲學於句字之間沿誕謾之習於文體人品不相研切如五柳先生傳先生不知何許人也蓋淵明寓避世之意可一不可再而自樂天陸蘿蒙草效之則誕矣虛實之論誠如宸諭

宣尼遺筆

孔林石刻宣聖遺筆暑往寒來春復秋夕陽西下水東流將軍戰馬今

何在野草閑花滿地愁末書仲尼有章歎此作偽者真東家上耶

顏子

國初朝鮮獻顏子以偽書郤之

海鹽秦駐山始皇碑

前賢灼灼後聖懋哉始皇承天越受帝命業超上古殲周滅鄭七雄靡
餘六國是併功齊太古道深前王埒炎均昊美冠顧黃　靈七代巍構
商堂縱聖凝神將記百　菴藹餘輝蜚聲萬漢梁天監二年八月二十
三日右判史敬素立石　海鹽縣志此碑史記不載而鄭亡久矣謂始皇
滅鄭何也

偽書

毛漸偽三墳張昇偽元命苞孫定偽關尹子阮逸偽元經宋咸偽孔叢
子徐靈府偽文子戴師愈偽麻衣子袁康偽吳越春秋

明崑山王逢年偽天祿閣外史海鹽姚士粦偽於陵子

嵇康真蹟

錢塘楊廷筠以御史督學南畿有兄弟爭嵇叔夜手跡弟請田三十頃易之致訟御史命立寶書堂公貼之

王大令洛神賦

王子敬小楷洛神賦顧凱之畫其下藏內鄉張康侯家購以五百金康侯甲申避寇金陵張藐山先生借觀

雲麾將軍碑

萬曆六年河南李蔭宰宛平搆小齋發礎得唐李邕雲麾將軍碑碑石蕪沒良鄉驛舍裂為柱礎可辨字百八十有九首篆存唐故雲三字蔭輦貯邑署名其齋曰古墨終戶部主事李邕書在浦城縣西十五里李思訓墓上

百家姓

百家姓相傳宋人作故首趙南雍志有唐虞世南百家姓一卷

蘇子瞻制義

蘇長公外集有孟子義一首蓋宋以命題試士士之應舉制義概如此
題以佚道使民以生道殺民 使民為農民曰是食吾之道也使民為
兵民曰是衛吾之道也使民為城郭溝池曰是城吾之道也雖勞而不
怨曰盤庚之民何以怨民可與樂成而不可與慮始蓋終於不怨也詩
曰盍爾于茅宵爾索綯亟其乘屋來春播百穀可謂勞矣然民豈不思
之曰上之果誰為之也哉若夫田獵之娛宴好之奉上之人所自為之
者君子蓋不以勞民也古者水衡少府天子之私藏大司農不以給共
養勞費出少府為是也孟子曰以佚道使民雖勞不怨以佚道使民可
也以生道殺民君子蓋難言之易曰古之聰明睿知神武而不殺季康

子曰如殺無道以就有道何如孔子曰子為政焉用殺夫殺無道就有道先王之所不免也孔子諱之然則殺者君子之所難言也

大學本義稿

朱文公大學本義稿友人沈世泊嘗見之多刪抹

朱文公集

憲谿謝象三三賓於亂時購宋板朱子集幾十金亡何人得宋板朱子集文頗不同多世所未見包長明說

心史鉄函

崇禎戊寅十一月八日蘇州承天寺浚背井得鉄函重幘啟之宋鄭所南先生心史一部外標大宋鉄函經內書大宋孤臣鄭思肖百拜封自元世祖癸未歷今三百五十六年按心史行世久矣想副本流傳不待胥井啟函也

宋濂

宋學士著作最富潛溪前後集在元季已盛行於世八明劉伯溫選定為文粹十卷門人方孝孺鄭濟等又選續文粹十卷皆孝孺與同門劉剛林靜樓連手自繕寫刊於義門書塾丙戌歲錢謙益於內殿見之孝孺氏名皆用墨塗乙蓋遵革除舊禁也

道餘錄

姚少師廣孝別號逃虛子摘二程先生遺書二十八則朱子語錄二十
一則逐條析其謬曰道餘錄吳縣行人張洪見即毀其書自謂所以報
少師耳

御史試荳芽采賦

蒙城陳嶽萬賢良方正考選試荳芽采賦嶽第一拜浙江道御史終

按察副使賦曰南國之賓客於上國與北鄙主人論辨時事翊日請

於主人曰子居上都俛視八隅日覽天下之奇物亦知天下之奇味乎
主人曰唯唯客何言與天下之味形類萬殊燧人作備庖人之初曰藏
曰藏曰拳曰芻八珍甲四海之美五味極六合之腴猩唇豹胎之鼎熊
掌駝峰之厨趙普掣燉之炙何曾鵝掌之殊党家之羊羔美酒五侯之
蒸鯽鱠鮀吳中之膾釣松江之鱸駕釀施蓼雪蛆脩俎蔽蒲羞蟹芥
醬渫醯至若橙黃而螃蟹實荻綠而河豚涪黃雀入幕之子烏雞啄粟
之雞加之以板桂益之以油酥當嘉賓之既集命細君而當爐巨觥淺
酌蠶曲唧唔調嚼滋味既美且都客曰子惟知葷臊之為味而不知清
楚之嘉蔬也主人從而改曰北山採蕨南山採薇祓蕡堂北瞻芹淵謂
烹綠葵之嫩葉燒白薤之芳蕤補羸杞移繁蕪磨姑縷分於淮街波稜
寸斷於蹲趾酣糟子壘之掌沫醢新笋之絲梭魚子子苔脯乳餚鴨菌
九第山藥三炊漢家丘嫂之櫟冰壺先生之蘿至若錢塘之茭荷商山

之紫芝大宛之苜宿二蜀之雞栖揀擇加精調脪得宜香聞爽脆味適
野眉當舉案之頃會稱觴之時飫此嘉品吾溢頤顧窮桑之徒餓笑
首陽之空饑視彼蔓菁何物蘿蔔奚為客曰子若徒知異之為美而不
知近之為奇主人瞠馬詰塞拱手戲噫曰然則子所言美者請備言而
述之客曰有彼物兮冰肌玉質子不入於淤泥根不資於扶植金芽寸
長珠蕤雙輕匪綠匪青不丹不赤宛訝白龍之鬚彷彿春蠶之蟄雖狂
風疾雨不減其芳重露嚴霜不凋其實物美而價輕衆知而易識不勞
乎椒桂之調不資乎芻豢之汁數致而不窮數食而不斂雖以赫乎柱
史之嚴每嘗寘之於齒牙膚矢憲臺之邃亦嘗歎之而深入當乎退食
之委蛇則伴其倉米之虧食至於潔清觴漱清膳助清吟益清職視彼
主人所陳者奚相去倍蓰而超萬億也與主人聞而歎曰得非市之所
鬻並芽菜乎客乃曰然主人曰美則美矣毋語近而遺遠厭富而樂貧

客曰子何見之晚也夫天下之味適口者為佳天下之土無缺者為貴
彼之所云者非不口饑我之所卻者恐為心累脫若致之弗克則役之
於心役之於心則為口體之累傳不云乎養其小者則失其大者大者
既失雖羅五鼎亦惟取羞雖享太牢適增其醜語既客即揖謝于于而
退

周敘修宋史

正統末南京翰林侍講學士吉水周功敘敘請刪修宋史以華先志許
之功敘曾大父以立元鰲溪書院山長上書修宋遼金三史推宋正統
後功敘修宋元同上元陶元素未就卒

莆陽抑史

莆田周梁石瑛與黃太史仲昭同修興化府志論議間有不合自謂莆
陽抑史

張元禎

張東白先生作文雋草每楮掌大作蠅頭細字或用故紙復背書之

詩韻辨

華亭張東海先生炳詩韻辨曰韻書始於江左弊有因襲雖有覺者力莫解正。我朝始刊定洪武正韻一洗千載之陋誠萬世之幸也惟詩家猶泥唐韻曰凡古詩之流可用正韻近體律詩惟用唐韻問其所以則曰律詩自唐始故也苟依正韻則曰落韻特遵令之制耳樂其寃耳試叩以唐韻冬東青清之屬何以異虞模麻遮之屬何以同則曰自有五聲七音輕清重濁於其間也噫是皆因襲而不察淺陋而無見口耳相承臆度妄語殊不知江左殊韻正坐不知七音之當解直據一方之所習故失立韻之本原也何輕清重濁之分耶借曰唐詩用唐韻則騎詞用楚韻古選用漢韻耶唐韻襲類譜而作故梁韻也何唐詩而用梁

韻耶唐韻至宋已加通併非唐之舊則宋韻矣又何唐詩而用宋韻耶正韻惟取諧協固寬矣唐韻之聳牙者亦得而抑豈窄耶且作者何計寬窄也學士宋景濂所序慎重精密之至凡詩皆合用正韻且不待辨矣猶慮詩家習觀陰氏韻府韋王又以正韻定之則凡詩之不宜用唐韻又可識矣何淺陋者之因襲未復於正又唱傳妄說使高明者亦不得錄於正也或曰李杜蘇黃諸家者皆用唐韻人不知病蓋唐宋之世病在韻作者弗病也况雖在唐宋不依唐韻者亦多矣泥者弗知性取諧協則傳會其說曰漏底韻出入韻猶韻書上平下平不知由編帙重大而分乃曰音有上齣下齣之異也上平始於東終於山之意也淺陋類此不足一笑泥者反以正韻為失寃免笑乎

李空同先生曰張東海韻辨冬東青清何以殊虞模麻遮何以同夫東冬青清反切本殊而人自不殊虞模麻遮調協本同而人自不同顧歸

罪韻者嗚呼人之蔽至此哉韻母子相生五音互之自然而聲皆不能加愚不能損信如此言則冬江真先虞尤不得通押而說不得說韻哲不得哲鬱耶今人因前人云四聲出於沈氏遂不復根究便立訓教人不知茲韻其來已遠沈特校定之耳

張東海自題像

隨處丹青寫我神故人相見問何人於今百草張東海只有元來一個真

司空圖

宋王禹偁辨五代史闕文云圖字表聖自言蒲州人有俊才咸通中登進士第雅好為文躁於進取頗自矜伐端士鄙之從事使府洎登朝鑒譽清顯巢賊之亂車駕播遷圖有先人舊業在中條山極林巖之美圖自禮部員外郎避地焉日以詩酒自娛蜀天下被蕩士人多往依之互

相推獎由是聲名藉甚昭宗反正以戶部侍郎召至京師圖既負才慢
世謂已當為宰輔時人惡之稍抑其鋒圖憤憤謝病復歸中條與人疏
不名官位但稱知非子又稱耐辱居士其所居在鎮貽溪之上結茅屋
命曰休休亭嘗自為記云云以上梁史舊文按圖河中虞鄉人少有文
采為鄉里所稱會王凝自尚書郎出為絳州刺史圖以文謁之大為凝
所賞故山是其名
知入知制誥遷中書舍人知貢舉擢圖上第頃之凝出為宣州觀察使
辟圖為從事既渡江御史府奏圖監察下詔追之圖感凝知己之恩不
忍輕離幕府滿百日不赴闕為臺司所劾遂以本官分司倣之召拜禮
部員外郎俄知制誥故集中有文曰戀恩稽命黷僚洛師於今十年方
參綸閣此豈躁於進取者耶舊史不詳一至於是圖見唐政多僻中言知天
下必亂即棄官歸中條山專以中書舍人召拜禮部戶部侍郎皆不起
及昭宗播遷華州圖以密邇乘輿即時奔問復歸還山故其詩曰多病

形容五十三誰怜借笏趨朝叅此豈有意於相位耶河東節度使王重
榮請圖撰碑得絹數十匹圖置於虞鄉市中恣鄉人所取一日而盡是
時盜賊充斥獨不入王官谷河東士人依圖避難獲免者甚衆昭宗東
遷又以兵部侍郎召至洛為柳燦所傾阻一謝而退梁祖授禪以禮部尚
書詔辭以老病卒年八十餘又按梁室大臣乃至有如敬翔李振杜曉
楊涉等皆唐朝舊族本以忠義立身重侯累將三百餘年一旦委費朱
梁其甚哉者贊成弑逆圖以清直避世終身不仕梁祖故梁史拾閻小瑕
以泯大節者良有以夫柳燦為相巨僚多被放逐為監察御史尤加畏
慎昭宗郊禮畢上章懸乞致仕日舉臣本意非為官榮可驗哀羸庶全
名節上特賜歸山其詔略曰既養高以傲世類移山以釣名心惟樂于
激流士非顧于貪祿匪夷匪惠特忘反正之朝載省載思當徇避棲之
志宜放歸中條山詔辭乃柳燦之文也時多以四皓二疏譽之惟僧虛

中云道裝汀雀識春醉野人持言其操履檢身非傲世者也又云有時
看御札特地挂朝衣其尊戴存誠非邀君也

楊守陳

楊文懿書惟立所作許先生哀頌詞後

銘志之言多溢美予弟此作蓋貶於銘志之言也後有覽者尚論其世
則茲人者難乎免於君子之誅矣言其可易哉

李夢陽論文

昔人謂文至檀弓極遠史序驪姬云檀弓第曰公安驪姬約而該夫
經史懸殊經主約史主該譬之畫者形容之也貴得象具且如非驪姬
食不甘味寢不安枕之類是也經者史之要者也曰安而食寢備矣自
檀弓文極之論興而天下好古之士惑於是惟約之務為湔洗為聱牙
為剝剔使觀者知所事而不知所以事無由彷彿其形容西京之後作

者無聞矣

李空同先生刻陶淵明集盡去評注曰青黃者木災也太羹之味豈羣口所遺哉接古人注經史子外集不多及大臣注選千家注杜尚矣其以批點行世者蘇老泉之於孟子劉辰翁之於李杜為得其繁萬巒中晉江李贊所閱著藏書焚書等刻導煽輕誣末年吳興凌氏閔氏專刻硃批時雖紙貴災木何極

舒芬與友人論文曰六經未可以文法摹擬也書禮序述即事見道風雅咏歌以聲和律曾何章法句法不類之顧耶易始伏羲不知六畫奇偶其章法句法果安在耶春秋仲尼所筆削也簡者一字繁者僅三十五字其句法章法果安在耶故今之論文者動稱六經則亦前人誤之耳愚嘗以六經當以道論不當以文論

李夢陽何景明

李何哀然四傑之首冠冕當代人無異喙間有微文未加點璧近常熟
錢牧齋選明詩論李何最嚴不啻輸攻矣雖非定論錄跋公據
獻吉生休明之代負雄鷙之才倜然謂漢後無文唐後無詩以復古為
己任信陽何仲默起而應之厥後齊吳代興江楚特起北地之壇坫不
改近世耳食者至謂唐有李杜明有李何自大歷以迄成化上下千
載無餘子焉嗚呼何其誇也夷考其實平心而論之由本朝之詩派而
上之格律差殊風調各別標舉興會舒寫性情源流則一而已矣獻吉
以復古自命曰古詩必漢魏必三謝令體必初盛唐必杜舍是無學
焉尋率摸擬剽貽於句字之間如嬰兒之學語如童子之洛誦字則字
句則句篇則篇毫不能吐其心之所有古之人固如是乎獻吉曰不讀
唐以後書獻吉之詩文引据唐以前書紕繆挂漏不一而足又何說也
國家當日中月滿盛極學良粗才笨伯應運而起確霸詞盟流傳偽種

二百年以來正始淪亡榛蕪塞路先輩讀書種子從此斷絕豈細故哉後有能別裁偽體如少陵者必以斯言為然其以是獲罪於世之君子則非吾所惜也

仲默初與獻吉叔復古學名成之後互相詆謔兩家堅壘屹不相下於是低頭下拜王美陂倒前徒之戈俊逸粗浮薛西原分北軍之祖則一時之軒輊已明身後之立黃少息矣予獨怪仲默之論曰詩溺於陶謝力振之古詩之法亡於謝文靡於隋韓力振之古文之法亡於韓嗚呼詩至於陶謝文至於韓亦可以已矣仲默不難以一言抹殺者何也淵明之詩鍾嵘以為古今隱逸之宗梁昭明以為跌宕昭彰抑揚爽朗橫素波而旁流于青雲而直上評之曰弱於義何居世運遷流風雅代變西京不得不變為建安太康不得不變為元嘉康樂之興會標舉萬目即書內無乏思外無遺物正以暢漢魏之飈流革孫許之風尚今必欲

希鳳枚馬方駕曹劉割時代為鴻溝畫宋元為鬼國徒抱刻舟之愚自
違舍筏之論昌黎佐佑六經振起八代文亡於韓有何援据吾不知仲
默所謂文者何文詩者何詩也昔賢論仲默之刺韓以為大言無當矯
誣輕毀箴為膏肓丸為篤論矣獻吉兩書駁何矛盾互陷獨於斯言了
無諍語弘正以後偽謬之學流為種智後生面目偭背不知向方皆仲
默謬論為之質的也

江河伏流

泰州儲平甫泊正德辛未進士歷福建按察僉事輯草除錄博採靖難
諸臣題曰江河伏流平甫卒門人私謚貞文子

常倫逸詩

沁水常評事倫題檻山大雲寺壁宿此非一夕游此非一朝山夫頗解
狂夫趣時儲斗酒來相招鑪前長松十圍大我欲絕粒栖雲巢宇大如

斗今存評事集不載

王瓊雲中歌

濬縣御史王瓊正德辛巳進士雲中歌八首一曰小王子 打圍時自稱北狩產龍姿髮上老軍莫相信 英皇元不納胡姬

胡瓊

彰德胡瓊嘗咏時苗還猜事任中如有子君欲付何人 沈詞

徐霖

武宗在臨清召江寧徐霖授教坊司官不拜乃授錦衣衛鎮撫久益幸至呼其字子仁進必敵袍遂賜斗牛襲衣至南京嘗夜過其家從容懽燕四更乃罷

前李攀龍

濟南李攀龍止白雲樓集偶友人處鴻爪集四帙 云濟南李攀龍于麟

著亟讀之則常州
之悞良不虛耶

人官太僕

在正德時非厯下也曾參殺人

兩京賦

訓導 彭大雅柳州通判常熟桑悅御史江寧余光貢士盛時泰南
京刑部郎中臨川師機並作兩京賦光奏付史館賜鈔千貫安福李學
士時勉慈谿陳侍講敬宗並作北京賦教諭 畢鉉作南京賦

兩皇明通紀

嶺南梁億東莞陳建各著通紀

張邦奇

張文定邦奇作贈太監雲奇傳云奇洪武間以內使守西華門時丞相
藍玉居第去門不數十武一日詭言其第井中醴泉涌出請 上臨觀
而選壯士裹甲伏笄帷間以俟奇知之將上變云云按此胡惟庸事文

足宿學不宜悞或梓人之訛

修誌

林煙修福州府志人物有邪佞止宋人不及 國朝孝子割肝療親者二人去之烈女如科甲例每行二人其斤割肝者曰使人割之耶抑自割之耶人割之則世未有肯無故操刀而殺人者自割之其人已死矣又安能內探五臟辨其所謂肝者而後割之耶甚哉其妄也又福清林榮初則仁歲貢兵部尚書本朝列卿年表未載

平涼趙浚谷時春嘉靖庚申作平涼府通志官師人物美惡備列藝文僅記銘若干首無詩

王道書壁雜帖

順渠子曰吾於古人有四恨焉孔子曾見老子而孟子不得見莊子此一恨也孟子得見子思子而荀卿不及見孟子又從而非之此二恨也

楊子雲與鄭子真嚴君平同時同處且知二人之賢而不能相隨以隱此三恨也二程親見康節而不能傳其先天之學此四恨也宇宙間有此四大欠事而古今人皆未嘗說破若以為當然者然此又恨外之一端也

王慎中

王遵巖先生作晉江楊角山墓志銘戶部主事李纘父也志述纘之言吾楊姓也世居安仁鄉之鈔舍村以力農本業自給吾父早孤而壻於陳城居也遂咎於陳之東隅陳母故李毅齋公某之甥也毅齋無子故吾父育於李而為之子彌李而妣陳也鄉人之敬愛吾父者知為李角山翁而不知為楊也惟吾父始配陳某知之而繼室張氏謝氏與吾兄續亦不能知而攢獨知之今將題名於阡作主於廟惑於所稱之姓先生其謂之何云夫宗之必有別異姓之不相為後也在禮記之矣李

君雖欲徇翁之情其如禮何請志之日楊角山處士之墓
先生作荀江潘翁墓志銘銘作長論又古法之變

國朝人物編

江都葛潤子常好精書撰國朝人物編自國初迄嘉靖數百卷人為列傳甚悉年七十餘友人私謚正學先生

夏惟訥

崑山夏惟訥好求遺書嘗秘一篋不以示人沒後啟視充管數十枚乎錄雜記百餘卷

唐觀

江陰貢士唐觀著延州筆記李肇鷄於民家屏障上斗麥易之噫文人遺葉類觀者何限安得盡肇鷄其人刊以問世耶

李于麟王元美手抄

陳眉公曰李于麟王元美在刑曹時手抄史記文選一部舉觥誦以記否為賞罰大抵山人批閱以及南北史皆有小識錄他經傳稱是

李于麟閱史記

殷正甫士僕有李于麟所閱史記於秦始皇本紀止圓河魚大上人頃畜鳴八字沈懋孝長水某

王元美讀書後毀論

王元美所著讀書後四本捐館後公子吏部士駢於貨郎擔中重價得今行世又毀論十本像先生手書無副刻常熟錢牧齋乞於吏部者秘不示人辛卯九月書室災不存惜哉噫文人子孫如任坊李白許渾諸君子筆潤墨替無論矣有其表若吏部而遺簡灰滅他何望乎

余翔

莆田余翔宗漢嘉靖貢士仕全椒令有治才兩造盈庭平決無停

畧有羅氏鬻宅轉展數姓至王氏淘井得髑髏四具加釘馬呈於縣公
彷彿夢人以蘿擔屍過其前時羅氏父死久訊其子已七十自供父本
牙會正德間四客投店挾重貲父端午日既殺之釘腦骨投井中羅子
論辟其家竟絕後解任歸益肆力文章而游興不減虛教家人生產不
間

穆文熙焚書

東明穆文熙小春憲副購書十餘萬卷疾篤盡舉所積焚之

謝陞李漢書

新安謝陞少連改陳壽三國志為李漢書予蜀正統魏吳世家按宋蕭
常後漢書鄭雄飛續後漢書翁再蜀漢書元金華張樞陵川郝經
長洲吳尚儉並續後漢書
明

春雪詩

鄖縣全天敍萬厯 進士試館之先夢大父少司空元立戒以春雪
詩勿用六出如其言獲選

無名氏詩

僕夫不識路躋躇路旁久寒風吹衣襟落日照馬首吳中無名氏作蘭
溪吳孺子極愛之謂深得古致

明雋

漢州李尚寶先芳選 國朝燕趙秦晉齊魯河洛淮揚藩獻之詩附以
蜀曰明雋吳越荆楚不預焉東阿子文定公序曰自二南以下十五國
風皆江以北地也降而春秋吳越之歌吟乃出降而戰國荆楚之騷賦
始傳故江以南之聲則歌吟騷賦之流而風之餘也非始音也原音之
始以北先也 按李尚寶初善王元美後元美從于麟游改嚮程好故
明雋之外吳越荆楚有以也然所選多靡豔舒曼

宋登春

宋山人登春讀書峰山厭薄交游乃作一小戶非匍匐不能入名曰狗洞縉紳先生過訪者輒難之惟濮上李伯承往來其中趙州強居仁集李伯承邊山人濮上館於清平閣日啖狗脯飲白酒夜誦楞嚴經念伯承殷勤間與唱和援筆草就四座傾倒

北雍刊史

新建張洪陽位司業刊二十一史槩工部六萬金有奇李湘洲集

陳于陸修史

南充陳文憲相國時修正史

列聖本紀皇后本紀建文景泰以實錄附載專紀有待郊祀廟祀典禮樂律天文曆法宗藩學校選舉職官經籍賦役貨幣漕運河渠鹽法軍政兵制馬政刑法範國九邊凡二十二志

揚徐漆陽三王傳 高祖之十七藩 成祖之二藩 仁宗英宗各四
藩 憲宗之三藩 外戚 洪武之功臣 諸臣建文諸臣永樂之功臣
諸臣洪宣諸臣正統 天順諸臣景泰諸臣成化諸臣弘治諸臣正德諸
臣嘉靖諸臣隆慶諸臣又理學文苑循吏高逸孝節亂逆權倖方技四
夷列傳類二十六

志初畢丁酉擬列傳六月三殿災輟業又南充前卒四明沈一貴殊不
以為意非其始議也

西冷社

萬曆丙戌八月歙縣汪道是鄞縣署長卿隆翠集西湖之淨慈寺仁和
卓明卿餘杭徐桂為地主倡西冷社

孫冕

孫冕字文中江西德化人歲貢正德間任北通州訓導善詩畫嘗和李

西涯春興詩八首今錄其二山館悠悠依峻坡別來應是兩年過鹿麋
昔日游偏好風雨他鄉夢更多松下小軒閑雨菊月中荒徑掩靄蘿歸
來若待頭顱白其奈巖花笑客何一竹垣向裏闢新池徑曲門迂去每
進鳥弄落花人未到魚吹新荷月先知天邊客夢何時醒江上歸舟此
日移喚起巢由作賓主不知身在昔堯時

爭詩

夜月烏啼白門柳隔江人唱後庭花武康吳允兆永嘉何元咎各爭爲
己句餘杭徐茂吳桂曰句未佳何爭爲

喻應益

新建喻叔虞憲副楓谷先生均子也咏滕王閣萬壽宮各四首

飛閣崇臺勝地留曾憲遠水檻中收萋萋自綠王孫草歲歲空生帝子
洲煙樹尚含羅綺忽風濤不敢蕪絃愁涼零莫縱登臨目闌掩斜陽獨

倚樓其一芳洲草樹碧城城醉倚臨空意未厭山翠過江雲入戶春聲
出谷鳥窺簷花憐時陌報歌扇柳近紅亭颺酒帘千古繁華流水盡獨
留明月上珠簾其二梅風杏雨柳煙開滿眼芳菲祇自哀客子臨高曾
作賦游人攬思獨登臺於今殿閣盤空起依舊雪山隔岸來不識王郎
風送別誰言伯璵更憐才其三關市煙塵暗未通肅條旅泊散江風龍
河蜿蜒滄海上堆堞參差晚照中昌邑舊城葭菼渡南唐廢址水煙空
芳時士女應多恨追莫還歌大小東其四藤工閣

百疊青山磴道盤丹臺深鎖赤闌干階前柏是當年樹雲裏家猶舊日
壇漢祀祇今歸太祝宋皇曾此拜祠官無勞更表洲沙誠湖落空江鉄
柱寒其一九柏歲難便翠苞亭亭十里辨煙梢雲深珠樹棲歸雀月滿
霜潭泣老蛟風殿香浮爐影細星冠夜集珮聲交野人掃地齋心拜芳
渚青頻藉白茅其二立功自昔滿鄉邦飛劍雲中氣尚雙三洞絳霞飄

羽蓋五溪瑤草映芝幢金丹雞犬歸仙島
鐵鎖魚龍卧楚江里社年年
誇禱賽九天時擁百靈降其三白裕青囊稱短衫採芝幽澗荷長鏡乍
瞻丹壑窺金穴細讀立文叩石函天豁神皋闢廣漠樹盤仙嶠出嵯峨
雲房玉磬松關月未到蓬山已隔凡其四萬壽官

王穉登

萬曆癸丑元旦吳縣王百合卧疾吟迎春詩一首即逝

馮元成論文

馮文所先生曰古之文簡今之文繁古之碑碣志銘苟無闡槩則不書
如緩急親黨不過日待以舉火數十字一二語耳今則連篇累牘曰某
也婚某也算數其事而稱之數其人而記之瑣瑣屑屑如甲乙簿何當
哉憶予居常所為緩急人者一月或至數十事使他日子孫欲為予紀
載則且至數十冊簿宜理也哉唐以來韓昌黎最為大家其志銘等文

具在寥寥僅一二百言耳然其時且以諛墓訛之至於今或一序數千言或一傳數萬言荊州先生所謂山河大地不能作架子誠有味乎其感歎也是故君子之文寧損無益寧慎無過寧拂人之子孫無違人之

月旦

周立暉

崑山周復俊子彌南京太僕寺卿有館於木人涇之旁著涇林雜記涇林類記孫立暉萬曆丙戌進士嘗任御史左遷補電白令放歸著涇林續記始舉筆赤蛇墮研刊成怨家張氏增飾官掖一二事尊於縣令陳祖苞撫按奏上致寃怒逮下刑部獄卒人多冤之

陳植之

武林布衣陳植之 雖業醫苦吟好學歙縣吳充德符摘其佳句如疎鐘四壁靜微雨一燈明移花春徑雨看竹午窗風繞舍田疇熟遙村

砧杵連王門等自好客舍缺空彈河朔追狂飲滄浪起浩歌因贈之詩
曰昔賣名山藥女子識伯休孝先尋教授大有童蒙家求算瓢在陋巷朝
夕僅能謀上有白頭母嘆菽代庖餧下有黃頭兒擁絮視輕裘子身同
釀魚牧犧為好仇苟非真有道疇能堪此愁自我不相見十年幾再周
時時卒舊葉隱石對前修重逢憶愈甚每語無怨尤依然曳屐彈歌
仍自酬感贈不遇賦沈思冀一抽申之貧士咏庶接古人游異時高士
傳真隱定見收

中秘書

晉江謝肇浙在杭為水部員福清葉相公直閣求閔秘府書潛隨入翻
閱僅抄劉後村集三十冊

收書法

南充陳元忠相國子陸好儲書平湖沈幼真太史憲孝勸其據類書注

中所引証之書覺篇目不經見者日月標記令書費時時博求之無意
中忽得奇書又據天下書目考其版籍在諸路者時時馳尺一託交游
間如日搜羅期得乃已自戊辰至甲戌七年元忠以此法得奇書三十
部及家難寄書京師勦戚家半失去

纂書

開國事畧本湖廣行都司經歷蔡于璧之龍飛紀畧卓氏藻林本吳興
王氏所輯嘉隆以來諸公掠美者頗多噫仰眠床上看屋梁著書千秋
萬歲誰傳此者幸傳矣又為宋齊丘所據惜哉凡纂書有三貨得之可
也陰得者次之最下則蹠躡

厄書

藏書佳事也閩省不數家家不數傳如浦江義門鄭氏八萬卷燬於火
義烏虞侍郎守愚參政德焯父子樓藏萬卷署曰樓不延客書不借人

後蘭谿胡孝廉應麟賤直得之今亦佚盡太倉王元美書此富冉博而
失開封中尉睦擇之萬卷堂會稽鉏氏之萬卷樓吾翼祝侍郎以齒之
萬古樓武康駒侍御駿曾平湖馮孝廉茂遠常熟錢宗伯謙益諸家非
流散則妬焰吳噫縹帙紺函何預天曹事往往被厄不能久銅設靈威
丈人之秘牒玄夷使者之珍符耽卿壤而儲二酉概如此厄天上司書
吏地下修文郎亦寂寂難堪矣楊循吉旣老散書親故令蕩子爨婢無
復着手是或一道也

錢宗伯好儲書尤喜較訂廣蒐博引一編中粉墨丹黃曾見錯書有所
疑悞千里之外託人研攷其購藏甲於東南亂後撰明史凡二百五
十卷辛卯九月晦甫就越後日見燼火始作見朱衣者無數是非不得
其平遂以焚惑掃之隻字不留亦一異也

文晉

正德中鄆縣王簡討九思敬夫失官老而喪明四方求文口占授之人
疾書不給

萬曆末秀水陳學士懿典孟嘗晚喪明詩文酬應如故出謁公府侍兒
聳其裾即揖讓進退動如禮

唐府輔國將軍宇決五歲喪明從師畫掌識文字日月記千言著名歎
錄辨疑碑各一卷

華亭唐汝詢仲言五歲目盲父兄抱膝上授詩好聽授博通經籍注唐
詩解五十卷援據該博著編蓬始蔑等集號便楊鶴旌其廬曰耳學淹
通捐俸刊其書常遇常熟錢謙益所酒間誦子虛上林諸賦杜白諸
長篇不遺一字留校杜詩時有新義如解溝壑疎放之句云出於向秀
賦嵇志遠而陳呂志放而曠亦前人所未也

鍾惺譚元春

鍾譚詩行於世孟津王鐸宗伯曰如此等詩決不富不貴不壽不子

洪範明義

漳浦黃石齋道周著孝經集傳又奉命纂洪範明義四卷戊寅被謫即進呈云臣攷篇中有錯簡者三訛字者三錯簡如五紀三德數言而後咸福建極數言錯而在前訛字如晨為農戌為歲極為極之類皆伏晁之所不稽鄭孔之所未說宋元諸儒稍發其端明興諸儒未竟厥緒云

蔣德璟日記

晉江蔣八公相國性嗜書留心經濟有部郎便榆闈語之曰彼處馬豈頗夕宜注意部郎初不以為然至則果如其言所著日記

爭妾詩

崇禎癸未楚撫宋一霍敗沒喪金陵陳氏以色華為門客王屋所聘貴

陽謝參政上選先娶致訟新安貢士程全詩歌舞叢中度歲華一朝忽
散抱琵琶前身定是烏衣燕不在王家即謝家

山城曲

十七八正少二次明少年年少如春草草榮一霎然
易易武藏州四圍無山島月出惟青草月沒還青草
山城者日本也好事有譯其曲者見鄭以偉猶奕稿

永和宮詞

揚州明月杜陵花夾道香塵迎麗華舊宅江都飛燕井新侯闢內武安
家雅步纖腰初召入鈿合金釵定情日豐容盛鬢固無雙蹴鞠彈碁復
第一上林花鳥寫生綃禁本鍾王點素毫楊柳風微春試馬梧相露冷
暮吹簫君王宵旰無憚思宮門夜半傳封事玉几金牀少宴眠陳娥儔
豔誰頻侍貴妃明慧獨承恩宜笑宜愁慰至尊皓齒不呈微索問蛾

眉欲蹙又溫存本朝家法修清謙房帷久絕珍奇薦勅使惟追陽羨茶
內人數減昭陽膳維揚服製擅江南小閣爐煙沉水含和貝瓊花新樣
錦自修水送進黃柑中宮謂得君王意銀環不妬溫成貴早日艱難護
大家比來懼笑同良娣奉使龍樓賈佩蘭往還偶失兩宮懼雖云樊嫗
能辭令欲得昭儀喜怒難緣繩小字書成印瓊函自署充華進請罪長
教聖主憐含詞欲得君王溫君王內顧惜傾城故劍還存敵體恩手詔
玉人蒙詰問自來階下拭啼痕外家官拜金吾尉平生游俠多輕利縛
客因催博進錢當筵便殺彈箏妓班姬才調左姬賢霍氏繡奢竇氏專
弟泣微聞椒殿語笑談豪奪灞陵田有司奏削將軍俸貴人令落宮車
夢永巷傳聞去玩花景和門裏誰陪從天顏不憚侍人愁后促黃門召
少者弟聞道君王譽定陶獨將多病憐如意豈有神君語帳中漫云王

母降離宮巫陽莫救蒼舒恨金鑽凋殘玉筋紅從此君王慘不樂農臺
置酒風蕭索已報河南失數州况驚少子傷離落貴妃瘦損坐匡床
鼙啼眉掩洞房豈蒐湯溫水葦冷荔枝漿熟玉魚涼病不禁秋泪沾脣
徘徊自絕君主膝苔沒長門有夢歸花飛寒食應相憶玉匣珠襦啟便
房薤歌無異葬同昌君王欲裂哀蟬賦誄筆詞臣有謝莊頭白宮娥暗
頻憇庸知朝露非為福宮草明年戰血腥當時莫向西陵哭窮泉相見
痛蒼黃還向官家問主王幸免玉環逢喪亂不須銅雀怨興亡自古豪
華如轉轂武安若在憂家族愛子雖添北渚愁外家已葬驪山足夜雨
撤房陰火青杜鵑啼血灌龍門漢家伏后知同恨止少當年董貢人碧
殿淒涼新木拱行人尚識昭儀塚冬青間茂陵斜陽蔓草埋殘壘
昭丘松檜北風哀南內春深擁夜來莫奏霓裳天寶曲景陽宮井落秋

思陵長公主挽詩

貴主徵音美 前朝寵命光
鴻名垂遠近 哀謀著興亡 訣體皇枝貴承
休聖善祥母儀惟謹庸家法在
矜莊上苑穠桃李 瑤池小鳳凰鸞章青
繆錦魚笏 繸囊況燎薰爐細流蘇寶蓋
范香襖期陪祓水薦館助條桑
綠綵芝蘭佩紅鸞蓮葉瑩錫封需大國
喚仗及迴廊受冊威儀定傅烽
羽檄忙司輿停鹵薄掌瑞徵所璜婺宿明河澹
徽垣太白芒至尊憂咄
咤仁壽涕彷徨卿邑年方幼瓊華齒正芳艱難愁付託
顛沛懼參商文
葆憐還戲勝衣泣未遑從容咨傳母位急詢招瑞傳箭聞嚴政投武見
拊床內人縫賜甲中旨票支糧使者填平朔將軍帶護羌寧無一矢收
足慰兩宮望盜賊狐篝火
關山蟻滑防逍遙師追撃奔突寇披猖牙
纛吹看折梯衝舞莫當妖氛纏象闕殺氣滿陳倉天道真蒙昧君心
慨慷割慈全國體處變重宗潢胄子除華綏家丞具亟裝勅須離禁闈

手為換衣裳社稷仇宜報君親遇勿忘遇人而退讓慎已舊行藏
母磨笄刺宮娥捲袂傷他年標信史同日見高皇元主甘從殉君王
入未央抽刀凌左闕申脰就干將噴血崩圓地橫尸紫蘿汪絕吭慙又
咽暝睫倦微揚裏襦移私第露胸進夕裳誓肌封斷骨如城屹殘創死
早隨諸妹生猶望二王股肱羞魏相肺腑恨周昌賦賦道仍函谷兵來豈
遠康大單夢面慟四海遺音喪故園新原廟羣臣舊奉常賜主陳厭翟
題塗載輶轎福賢妃塚山疑望子岡銜哀生父老主祭夫元良訣絕
均抔土覩零各異方衣冠羸博葬風雨鶴鵠行浩刼歸空壤浮生寄渺
茫玉真圖下髮甲怕勸承筐沅水餘堯女營邱止孟姜君臣今世代甥
舅即蒸嘗湯沐鄉亭秩家門殿省郎淒涼脂粉碰零落綺羅箱宅枕平
津巷街通少府牆畫閣偕妯娌曉坐向姑嫜偶語追銅雀無聊間柏梁
豫游推插柳勝跡是梳裝菡萏鴛鴦扇茱萸鸚鵡觴大庖南膳饌奇卉

北花房暖閣葫蘆錦溫泉豆蔻湯雕新獅首炭甜食虎睛糖壯麗成焦
土株蕪拱白楊槧游鳩鶴觀苔沒鬪鷄坊荀灌心惆悵秦休志激昂崩
城身竟墮墳海顧難償命也知奚憾天乎數不臧累歎床賓語即空寢
園傍半體先從父遺骸始見娘黃泉母子痛白骨弟兄殤夙昔銅馳泣
諸陵石馬荒三年修行藥一飯奠嵩却鬼食重來路新阡宿草長溪田
延泰稼龍笛卧牛羊朽壞穿蝶蟻驚沙起鵠鶴病擣眼發社哀草折寒
塘列荆皇姑寺駕經內道場侍鬟鬟稱線小像刻沉香玉座懸珠帳金
支渡法航少兒添畫燭保姻伴帷堂露溼丹楓冷星稀青鳥翔幡旌晨
隱隱鈴鉦夜鏘鏘控臂攀龍馭駢麟謁帝闈靈妃歌縹渺神女笑徜徉
苦霧迷槐市雌霓舊建章歸鄰恩五廟涉漠涇三湘柔福何慚宋平陽
可佐唐虞潤膳返日萬里叶龍霜自古遭兵擾偏嗟擁樹傍魯元馳孔
孟羊季負倉黃漂泊悲臨海包含恥凜陽本朝端閫闡設制勝岩疆處

順敦恭儉時危值紀網英聲起北海雅操過東鄉新野墳松直招祇祠
柏蒼蘿歌雖慘澹汗簡自輝煌謚號子秋定銘旌百旂彰余廟吹斷續
楚挽哭滄浪

盧岐嶽

長泰盧岐嶽嘉靖甲辰進士終貴州按察使初為戶部郎與汪道昆同
舍有遺脂香油於汪者汪問在古何云岐嶽曰唐人謝賜口脂豆潔此
二物也宴席有糖獅象復問於古何云曰漢光武禁貌糖不許高大此
是矣

王九思謝榛表宗道

鄆縣王九思漢波集自序曰余始為翰林時詩學靡麗文體萎弱其後
德涵獻吉導予習其易焉獻吉改正予詩者稿今尚在也而文由德涵
改正者尤易然亦獨余也惟仲默諸君子亦二先生有以發之顧予頑

鈍不能勉副其意故今老且朽矣而於所習詩若文者竟亦無所得焉是則可恨也

謝榛詩家直說曰作詩勿自滿若識者詆訶則易之雖盛唐名家亦有罅隙所謂瑜不掩瑕是也已成家數有疵易露家數未成有疵難評袁宗道曰時有古今詩言亦有古今今人所說為奇字與句安知非古之街談巷語耶方言謂楚人稱好曰党稱慧曰謗稱跳日蹠稱取日縱予生長楚國未聞此言今語異古此亦一証故史記五帝三王紀改古語從今字者多甚疇改為誰俾為使格姦為至姦厥田厥賦為其田其賦不可勝紀左氏去古不遠然傳中字句未嘗肖書也司馬去左亦不遠然又託句字亦未嘗肖左也今日逆數前漢不知幾千年遠矣自司馬不能同于左氏而今日乃欲兼同司馬不亦謬乎空同諸文尚多已意紀事述情往往逼其真尤可取者地名官銜俱因時制今却嫌時制

不文取秦漢名銜以文之觀者若不檢一統志幾不識為何鄉貫矣且文之佳惡不在地名官銜也

失婢詩

檇李陳詩教和唐人失婢詩集句楚客停橈欲問誰
顧况流鶯上下燕參差李商隱春樓不閉葳蕤鎖韓翃長路多逢輕薄兒耿湦應為能歌繫仙席鄭谷只緣幽恨在新詩步非煙今朝繞郭花容偏李涉別有傳心事白居易

廣孝錄

邑人周挺青善畫葡萄晚輯廣孝錄若干卷弘光乙酉夏疾篤夢人語以待廣孝錄成遂蘇亂時失其二卷後年卒

續哀江南賦

嘉興沈世涵作續哀江南賦有序

粵以甲申之三月盜弄乾樞神器無主帝既醉於鈞天人或腥於蠶幕
中興道銷窮於三擅厄運之極古今未有歌臺走麋鹿之跡過市盡兜
鉗之客晨看旅鴈辭玉塞而凝雲夜等銅仙望秋城而泣雨昔士衡入
洛之日仲宣登樓之年並在亂離咸有著述謝眺釣渚之賦思江海之
無波潘岳關中之詩時憫荆榛之載道雖復贊輸浣文步媿瑟人盛衰
之感同斯來軫誰非秦地空想桃花詎有商岩遙尋芝草冰魚未絕徒
懷挾之心蟄燕猶蘇不謝雕梁之憶鏡鎖既沉木葉再落興言往吊
追賦斯篇日月如馳人間何世夷門日令魏市成墟易水風悲秦筑罷
擊椎雪衣之委羽曾侍先皇若供奉之捐生堪羞朝士兼年累日悵切
南冠飲恨吞聲私修漢臘薄羹秋滿柳箭春搖愁蕪水無延歲之方桑
滄非可俟之晷夫霸孫啟祚尚揚赤壁之靈弱宋遺都猶報朱仙之捷
亦各控帶數州綱紀百載豈有蘆蘋荻筏竟浦浮江代馬胡蘚凌波渺

水鳥孫千騎控淮水而鳴弦翟泉雙鵠指吳都而扇翼五陵冠烏遊矣
華風萬里縵縷此馬戎俗二三俊乂徒懷死衛乘輿之誠百萬義師竟
少固我藩籬之具豈昔之龍盤虎踞者佳氣盡於此耶是知崖山執節
總靡信國之旗大海揚波必覆張侯之艇天意人事不禁臨風喟愴者
已世山雌辨色將遠謝乎樊籠爰居避風曾何情乎鐘鼓豈希黃絰
之題聊比婺緯之恤文博之枕漱石竊有志焉子山之坐露涌泉曉
乎復也賦曰臨江皋以四望兮氣紜結而懷憂伊天步之艱難兮神悅
悅而凝愁昔高后之作京兮實祚上於鍾丘控方塘之白水兮枕震澤
之清流封狼胥以為鎮兮環沒羽而為州湛虛宵飛而吳定兮樓船朝
濟而漢謳數軍實於長洲之苑饗戎旅於武昌之樓黃旗雨轉紫蓋雲
浮剪相珪以錫燕吏奕葉而遷幽於樂都之麗康兮乃陪服於南留華
貴偏野紅粟方舟引波泉而溝灌注兮指翼軫而帶女牛厯三百而無

事兮不識夫皎函之與鶯鏘雖有祿被之媒孽雀蒲之嘯聚不旋踵而
夷囚於是士女游冶於姓繁富玉樹挺於王謝朱輪併於顧陸老成奕
世典型以續銘勒燕然旌懸月窟烽火息於漁陽兮貢葡萄與天馬時
既奏而將屯人娛安而忘苦家築夏后之臺戶涉周王之園鳥轉迭歌
花瓊雪舞風流清談而泣名鄉戶黨鉤而造禍武帳絕韜於龍豹文絃
罷奏於鄙魯腥鮑爛而是求兮白馬況而何補既而燕廈將焚魚鼎日
沸閭左有揭竿之呼嚴闕無折柳之蔽天子方復端門而御平臺召
百官而延多士期弱草之凌勁風假乘螭以行淫雨請纓則終軍彈劍
則馬武出玉關而論兵晏蘭池而旁午空杼袖於二東兮猶呼庚而未
止爾乃宮鳴之野雉星落天狐夏箭不能殪仙芝之靈秦鉞不能禁
之徒彼小醜之馮陵固蔓延而滿多逞其鳴泉之性鼓其鯨鯢之濤野
煙炊斷白骨丘枯一二乘鈞撞樞之佐方留賊以自固曾莫肯兮焦慮

而殷圖墨史然其膏殘兵密於箕伯毒吹城豺牙橫厲黃巾大呼銅馬
如蟻戰已及於觀門羣工猶侯第而夜樵擣山之弓不歸茂陵之盜日
出草木為之飲血神人於馬憤涕江表藉司馬之靈奉神皇之微值
天地之唯利盡江淮而它鼎四海喝喝臻響奮影咏南音之顧懷兮顧
觀中興而昭滅景帝不悔亡淫荒是逞金鞭未收於博倉誠杖已投於
晏寢方採佳麗以寶椒宮構迎風以連結時元宰無東山之望牧伯非
睢陽之擬第鼠首而蠶營矣恣苞苴而成水火地坼天崩鼓卧旗仆鬼
同謀於曹社帝醉錫以秦土爵上將之披猖各飛揚而跋扈既主器之
沉淪乃不恥乎降北單于置酒而長圍歲橫江而竟渡立馬於吳山之
巔射麋於蘇臺之游義靖國之捐軀獨名存而禍酷爰有河橋魏將之
符闕路西文之客拭玉張旃尋盟許國思坐觀於時變亮國仇而莫塞
青龍之艦未浮龍蒸之舟喟魚甲之潛去聞雀唳而不得聞胄空

懸漸鉤寡色日冉冉而虛逝兮思摹
而弗釋亂寃心以為纏兮編愁
苦以為憶與我逢此厄辰兮刻著志之靡適掩柴闉之荒扉兮浮雲惜
而送日服縵纓而稚結分別無虬龍之與螭蟠於是胡風曉白清笳夜
驚控弦洞庭之浦校陣彭蠡之陰赫龍煙散
建
戈既揮於漢皋
守無間於壽春精銛銜石而遇矢文鷗夜飛而觸兵叢時冠帶衣履之
俗莫不輸金錯於穹帳謝簪笏於龍庭遙瞻巫岫極目海陵荒臺月寂
古樹風平馳鳴春草駘汗芳萎晝盡灰於秦劫劍已化於豐城若乃金
柯霞宸瑞葉雲靡別蠶姐於楚幄墜寶玦於城隅悲有雍門之瑟客無
報韓之誰玉笛碎而人往雉裘委而身麋溘朝露以同盡積為怨而難
舒至如李陵窮幕王衍掛牆弔影奪魄名隕心憮慙塵尾之刻玉羞鷹
足之裂壤求牽犬兮故里咏落月兮北梁華懷云覆金穴何常顧白日
以無色入修夜之不揚若夫二京學士五都游子脫畧公卿跋宕文史

驅征馬而不前傷搖風之四起似輕絮之飄絲類弱鱗之失水鬱青霞
之奇志獨快抑而誰詰况復君涉江波晏湖支湖望子今而不返兮故
子去而煩多哀拍留聲於文姬新第寫恨於羅敷紫臺夢香江南草枯
感別離之萬狀淒雨散而煙哀更有孤臣危涕烈士墜心髡髮馬革血
洒乘塵霜張其志日貫其精厲勁節於歲寒守如石之筠貞慕嵇卞之
遐躅渺翩翩而結纓被闔門之殉死寶鏡中之錚錚原金陵之始禡蓋
蕭牆之內起上游懼楚甲之乘天慙蓬胡馬之濟十五國之亡忽焉十
六王之宗不祀漢老想司隸之儀南人望壽皇之址痛參商於殷墟泣
山河之異主朔弓月兮心胆寒朔刀凝雪兮骨肉凜

殤魂游

於鳳凰之臺鬼火亂於瀟湘之渚蒼雲則七量合圍海潮則三日不至
歎東舟之已膠何南風之不競雖復荆有七澤揚沮三江曾無淝水之
捷僂效石頭之降河方堅而騎斷楫未擊而雞荒冤霜暑落憤水秋長

天之所廢其何以昌昔天下之一家倚東南之藩籬自付託之庸非舉江淮而全棄信辭鄉而哀賦分機入洛而榮著聊僵徊以娛憂兮觀江南之變態

補鑿骨行

吳京

至元初江浙平章阿魯只班子婦以亂死歸骨於其鄉西北山僧黃龍老人作鑿骨行事載卽衣聞臨安雜志中今其辭亡矣嘉善吳京補之留山中以貽好事者

彩珠天上墜華月掌上珍萬里陰山雪一枝瓊樹春陰山直北飛蓬迷海上迤東晴沙蹴鳥孫公主戀玉門漢家明妃厭金屋麗人獨立穹廬地深閨長養旃裘族名花寶匣白晝寒異香錦幕清夜燠長白山頭瑤草暉鵠綠江口蜻蜓飛關氏祐得泣不得秦王求仙祠未歸朝辭名王聘莫卻翁侯婚青髮明璫潤墉珠暗袖溫門庭設蘭杞壁戶塗椒蓋弁

映于飛窓遙中連理蘭弄朱離秦鶴填初度水一雙翠羽鳴三五金
波始翠羽金波夜復朝銀笙錦瑟曉連宵吳宮闈草吹香佩魏苑彈碁暮
拂畫綃千金舞買青衣笑百琲歌徵小史妖嬈欹盤舞懽不足握槊藏
鉤戲相促填門車馬多貴臣綠幬丹墀座上賓記與客語試公子罷就
婦飲真天人盈盈天街北皎皎婺女津一朝敵腸秋風起十萬控弦紫
電指將軍閹府浙江頭夫婿承恩官舍裏携家迢迢入蕭關金僕如抽
瑩玉弓鳳子冠搖碧條脫龍媒鸞緩青連環南國微書棘西園宴賞開
園中桃李鬪春妍湖上清明放鷗天寶馬香過煙岫寺錦帆花出畫橋
船歸來明月蓮花炬醉照華堂燕子箋夢中小小不知愁畫裏真真自
起樓紅芷新聲翻感宋青琴素手勞箇箇辟塵龍女拂照骨戚姬姬橫
波賭射嬌分鑑感翠爭驍泥古妝長夏成陰綠樹好瑤階手種宜男草
侍兒私語記紅潮入月停煎賀房老玉杯金盃索郎持縫闌珠筈不自

支水晶滿首葡萄夜瑠璃梧桐橘柚時噴啼瓶怒重無聊鳳熊走空
相嬌自茲卧起如翻水遂令服食同迴龍初就壇城館未整政君翹冰
桃雪汁琉璃鮮火棗霞漿琥珀盈西池王母叢仙書南岳夫人降鳳車
鳳車何歲難雲璈正杳冥瀛海風冷冷聚窟香烟烟溫明秘器賜東園
南方插甲龍魚軒雪肪紫錦桃花洞玉匣珠襦青鳥幡青鳥青珠照青
闕桃花桃浪吊桃落鴻都道士訪太真上林神君見宛若南枝越鳥啼
北風代馬嘶紅顏一旦化旅魂國俗由來重歸國六丁朝煉形三官夜
考魄玉棺啟視儼明粧丹唇含笑露幽芳芝焚蕙剪燐蘭新鵠叔螭飛
駕鳳輶鎖子九霄煙磨尼五色露金膏百和拾空青錦疊千雙晨寶璐
大招遙返塞北山遙日發引江南路傾城靺鞨盡貂蟬導馬雜鞚盡鼓
簫碧雲車洒神靈雨素奈花簪士女髻經梁復經梁渡濱復渡遼遼山
塗水曆平野肩帳毳廬扶騎馬已矣哉魂歸來雪積晨寄穴冰天夕築

臺風姨掩袂慟月姐涙纓哀服匿承肌酪留犧駕乳醣珠琲酬送使繒
綵資與臺黃金千百鑑都護跨驄回